

IV. OPOSICIÓN E CONCURSOS

SERVIZO GALEGO DE SAÚDE

RESOLUCIÓN do 27 de decembro de 2022, da Dirección Xeral de Recursos Humanos, pola que se realiza a convocatoria excepcional no proceso selectivo de estabilización, polo sistema de concurso de méritos, para o ingreso nas categorías de persoal de investigación.

A Lei 20/2021, do 28 de decembro, de medidas urxentes para a redución da temporalidade no emprego público (BOE núm. 312, do 29 de decembro) regula os procesos de estabilización do emprego temporal nas administracións públicas.

Por Decreto 81/2022, do 25 de maio, aprobouse a oferta de emprego público extraordinaria para a estabilización do emprego temporal do persoal do Sistema Público de Saúde de Galicia, en desenvolvemento do artigo 2 e das disposicións adicionais quinta, sexta e oitava da Lei 20/2021, do 28 de decembro, de medidas urxentes para a redución da temporalidade no emprego público, incluíndo no anexo II prazas de estabilización do persoal investigador sanitario e non sanitario do Sistema Público de Galicia.

A disposición adicional quinta, da Lei 20/201 prevé que o sistema de concurso previsto no artigo 26.4 da Lei 14/2011, do 1 de xuño, da ciencia, da tecnoloxía e da innovación, será o sistema de selección para aplicar nos procesos de estabilización de emprego temporal do persoal investigador.

Neste contexto normativo, de conformidade coa Lei 5/2022, do 21 de decembro, de medidas urxentes para a redución da temporalidade no emprego público da Comunidade Autónoma de Galicia e o Decreto 81/2022, do 25 de maio, polo que se aproba a oferta de emprego público extraordinaria para a estabilización do emprego temporal do persoal do Sistema Público de Saúde de Galicia, logo da negociación coa representación sindical no seo da Mesa Sectorial de Negociación e no uso das competencias que lle atribúen o artigo 18 do Decreto 137/2019, do 10 de outubro, polo que se establece a estrutura orgánica do Servizo Galego de Saúde (*Diario Oficial de Galicia* núm. 208, do 31 de outubro) e o artigo 7 da Orde do 22 de abril de 2020, de delegación de competencias en órganos centrais e periféricos da Consellería de Sanidade e do Servizo Galego de Saúde e na Axencia Galega para a Xestión do Coñecemento en Saúde (*Diario Oficial de Galicia* núm. 82, do 29 de abril de 2020). resolve convocar concurso de méritos para o ingreso nas categorías de persoal de investigación, de acordo coas seguintes



Bases**I. Normas xerais.****1.1. Prazas.**

1.1.1. Convócase concurso de méritos para o ingreso nas categorías de persoal de investigación sanitario e non sanitario, nos termos que se especifican no anexo I da presente resolución.

1.1.2. O número de prazas que se convoca neste proceso selectivo é o que se detalla para cada unha das categorías e titulacións no citado anexo I.

1.2. Sistemas de acceso.

As persoas interesadas poderán participar neste proceso selectivo polo sistema de acceso libre.

II. Requisitos.

As persoas interesadas en participar neste proceso deberán posuír na data en que finalice o prazo de presentación de solicitudes e no momento da toma de posesión como persoal estatutario fixo do Servizo Galego de Saúde os seguintes requisitos:

2.1. Requisitos.**2.1.1. Nacionalidade:**

a) Posuír a nacionalidade española ou a dun Estado membro da Unión Europea ou do Espazo Económico Europeo, estar incluído no ámbito de aplicación dos Tratados Internacionais celebrados pola Unión Europea e ratificados por España nos que sexa de aplicación a libre circulación de traballadores/as ou ter recoñecido tal dereito por norma legal.

b) Así mesmo, poderán participar o cónxuxe dos españois e dos nacionais doutros Estados membros da Unión Europea, sempre que non estean separados de dereito, así como os seus descendentes e os do seu cónxuxe, sempre que non estean separados de dereito, e sexan menores de vinte e un anos ou maiores de dita idade dependentes.



2.1.2. Idade: Ter cumpridos os dezaseis anos de idade e non exceder da idade de xubilación forzosa legalmente vixente.

2.1.3. Capacidade funcional: Posuír a capacidade funcional necesaria para o desempeño das funcións que se deriven do correspondente nomeamento.

2.1.4. Habilitación: Non ter sido separado do servizo, mediante expediente disciplinario, de calquera servizo de saúde ou administración pública nos seis anos anteriores á convocatoria, nin estar inhabilitado con carácter firme para o exercicio de funcións públicas nin, de ser o caso, para a correspondente profesión.

No caso dos/das nacionais doutro Estado, non atoparse inhabilitado/a por sanción ou pena, para o exercicio profesional ou para o acceso a funcións ou servizos públicos nun Estado membro, nin ser separado/a, por sanción disciplinaria, dalgunha das administracións ou servizos públicos nos seis anos anteriores á convocatoria.

2.1.5. Titulación: Estar en posesión da titulación que se especifica no anexo I desta resolución ou estar en condicións de obtela dentro do prazo de presentación de solicitudes.

No caso de titulacións extracomunitarias ou obtidas noutro Estado membro, deberán posuír o documento que acredite fidedignamente a súa homologación ou a credencial de recoñecemento do título para efectos profesionais, respectivamente.

2.1.6. Protección xurídica do menor.- Non ter sido condenado/a por sentenza firme por algún delito contra a liberdade e indemnidade sexual, que inclúe agresión e abuso sexual, acoso sexual, exhibicionismo e provocación sexual, prostitución e explotación sexual e corrupción de menores, así como por trata de seres humanos, de conformidade coa previsión contida no artigo 57 da Lei orgánica 8/2021, do 4 de xuño, de protección integral á infancia e a adolescencia fronte á violencia.

2.1.7. Aboar as taxas por dereito de exame, de ser o caso.

Non poderán formalizar a súa inscrición no proceso selectivo as persoas que reunisen en dita data a condición de persoal estatutario fixo da mesma categoría.

2.2. Taxas.

2.2.1. Formalización do pagamento das taxas.

Por imperativo legal, de conformidade co disposto na Lei 6/2003, do 9 de decembro, de taxas, prezos e exaccións reguladoras da Comunidade Autónoma de Galicia e na



Lei 18/2021, do 27 de decembro, de medidas fiscais e administrativas, como requisito necesario para participar no proceso selectivo, deberase aboar previamente en concepto de dereitos de exame o importe da taxa que se indica a continuación e, de ser o caso, os gastos de transferencia correspondentes, en calquera das entidades financeiras colaboradoras autorizadas para a recadación de taxas e prezos na Comunidade Autónoma de Galicia.

Categoría	Taxa
Investigador sanitario subgrupo A1	44,17 €
Investigador sanitario subgrupo 1C	33,13 €
Investigador non sanitario subgrupo A1	44,17 €

Para o ingreso da taxa empregarase un impreso de autoliquidación como o sinalado no anexo V. Tal impreso, así como os códigos para a súa formalización seranlles facilitados ás persoas interesadas nos servizos centrais e periféricos da Consellería de Sanidade e do Servizo Galego de Saúde e estarán dispoñibles na páxina web do Servizo Galego de Saúde, no apartado de emprego público. A non presentación deste impreso de autoliquidación, -no que deberá figurar a data e o selo da entidade bancaria-, xunto co formulario de inscrición no proceso, determinará a exclusión da persoa aspirante.

Poderase tamén realizar o pagamento da taxa por internet nas entidades financeiras actualmente autorizadas. Para isto, deberán acceder á oficina tributaria, a través da oficina virtual na páxina web do CIXTEC (www.cixtec.es) e premer a ligazón Oficina Virtual-Tributaria (cor azul), entrar a servizos de acceso libre e taxas, prezos, multas e sancións. Neste caso, unha vez efectuado o pagamento da taxa correspondente, imprimirase o xustificante de ter aboada a taxa (modelo 730), que será o que se presente xunto coa solicitude.

Así mesmo, o/a solicitante poderá facer efectivo o pagamento da taxa a través de Fides/ expedient-e, habilitándose un enlace directo ao sistema de pago electrónico de taxas da Consellería de Facenda. Neste suposto, non será necesaria a presentación do xustificante de ter aboada a correspondente taxa xunto coa solicitude.

En ambos supostos, a presentación do xustificante de aboamento non suporá a substitución do trámite de presentación, en tempo e forma, da solicitude de participación no proceso.

2.2.2 Exención e bonificación no aboamento da taxa.

Estarán exentos do pagamento da taxa por dereito de inscrición:

– As persoas con discapacidade igual ou superior ao 33 %.



– As persoas que sexan membros de familias numerosas clasificadas na categoría especial.

Aplicarase unha bonificación do 50 % á inscrición solicitada:

– Polas persoas que sexan membros de familias numerosas de categoría xeral.

– Polas persoas que figuren como demandantes de emprego desde, polo menos, os seis meses anteriores á data da convocatoria das probas selectivas nas cales soliciten a súa participación e non estean a percibir prestación ou subsidio por desemprego.

– Polas vítimas do terrorismo, entendendo por tales as persoas que sufrisen danos físicos ou psíquicos como consecuencia da actividade terrorista, o seu cónxuxe ou persoa que convivise con análoga relación de afectividade, o cónxuxe do falecido e os fillos dos feridos e falecidos.

As circunstancias de exención e bonificación deberán ser acreditadas, segundo o suposto que corresponda, presentando xunto coa solicitude de participación no proceso a seguinte documentación:

– Copia compulsada da cualificación de discapacidade ou da resolución pola que se lle recoñece a incapacidade permanente.

– Copia compulsada do título oficial de familia numerosa, de carácter ordinario ou especial.

– Certificación negativa da percepción actual de prestación/subsidio por desemprego e da antigüidade como demandante de emprego expedida polo Servizo Público de Emprego.

– Copia compulsada ou electrónica auténtica da sentenza xudicial firme, ou resolución administrativa pola cal se recoñece a condición de vítima do terrorismo.

2.2.3. Devolución de taxas.

O importe aboado en concepto de dereitos de exame devolverase, logo dos trámites correspondentes, aos/ás aspirantes excluídos/as que o soliciten no prazo dun mes contado a partir do día seguinte ao da publicación da listaxe definitiva de admitidos/as e excluídos/as.



2.3. Rexistro electrónico dos requisitos de participación.

As persoas interesadas en participar no proceso selectivo deberán declarar no formulario electrónico de inscrición que reúnen todos os requisitos de participación esixidos nesta convocatoria. Ao formulario electrónico de inscrición accederase a través da páxina web do Servizo Galego de Saúde (www.sergas.es) no apartado Fides/expedient-e/Sección de Procesos/Concurso de méritos.

2.4. Prazo e procedemento de acreditación dos requisitos de participación

2.4.1. As persoas aspirantes, excepto no suposto e respecto da documentación que se sinala na base 2.5, deberán presentar xunto coa solicitude de participación, e dentro do prazo de presentación de instancias a seguinte documentación:

1. Fotocopia do documento nacional de identidade, pasaporte ou número de identidade estranxeiro en vigor.

Os/as aspirantes que non teñan a nacionalidade española e teñan dereito a participar neste proceso selectivo segundo o disposto na base 2.1.1.b) deberán presentar copia compulsada ou electrónica auténtica da tarxeta de residencia de familiar de cidadán da Unión Europea en vigor.

2. Xustificante de ter aboado os dereitos de exame. As persoas exentas ou con bonificación no pagamento das taxas deberán presentar copia cotexada da documentación que acredite este dereito nos termos esixidos na base 2.2.2.

3. Fotocopia compulsada do título exixido para o ingreso na correspondente categoría ou a documentación acreditativa de estar en condicións de obtelo, nos termos previstos nos anexos I e III desta resolución.

Deberá presentarse tradución xurada ou equivalente segundo o disposto no anexo III daqueles títulos que estean redactados nun idioma distinto a calquera dos oficiais do Estado español.

No caso de titulacións extracomunitarias ou obtidas noutro Estado membro da Unión Europea, deberá presentarse ademais o documento que acredite fidedignamente a súa homologación e recoñecemento, respectivamente.



O/a aspirante non terá a obriga de achegar a documentación acreditativa da titulación cando a mesma conste como validada (V) en Fides/expedient-e.

2.4.2. A falta de acreditación pola persoa interesada dos requisitos de participación determinará a súa exclusión do proceso de selección.

2.4.3. En todo caso, a autoridade convocante reservarase o dereito a exixir que se acredite convenientemente a existencia ou non dos requisitos de participación e idoneidade dos/das aspirantes, en calquera momento anterior á resolución definitiva do concurso de méritos.

2.5. Verificación dos requisitos de participación a través da plataforma de intermediación.

2.5.1. Excepto no suposto de oposición expresa do/da aspirante manifestada no espazo habilitado ao efecto no formulario electrónico de inscrición no proceso (Fides/expedient-e), o órgano convocante procederá a verificar na plataforma de intermediación (PasaXe!) a seguinte documentación acreditativa dos requisitos de participación:

– DNI/NIE.

– Certificado de discapacidade expedido por un órgano da Comunidade Autónoma de Galicia

– Condición de demandante de emprego no territorio nacional e de non ser perceptor de prestación ou subsidio por desemprego.

– Título de familia numerosa na Comunidade Autónoma de Galicia.

Fóra destes supostos ou cando conste a oposición expresa á súa consulta, os/as aspirantes deberán presentar a documentación acreditativa de todos os requisitos nos termos que se indican na base 2.4.

2.5.2. Se unha incidencia técnica debidamente acreditada imposibilitase o funcionamento ordinario dos sistemas, o órgano convocante poderá requirir ao/á aspirante a acreditación en papel de todos os requisitos de participación.



III. Méritos.

3.1. Méritos a valorar.

Os méritos a ter en conta neste concurso serán os recollidos no anexo II e valoraranse con referencia ao día inmediatamente anterior, inclusive, ao da publicación desta convocatoria no *Diario Oficial de Galicia*.

Tales méritos deberán estar debidamente rexistrados no sistema informático Fides/expedient-e e acreditados documentalmente pola persoa interesada na forma e prazos que se indican nesta convocatoria.

Deberán presentarse en rexistro administrativo, electrónico ou presencial, aqueles méritos que non teña un apartado específico en Fides/expedient-e, e acreditalos documentalmente ata o último día do prazo de presentación de instancias, dirixidos ao Tribunal do proceso que terá a súa sede, aos efectos de comunicacións, envío de documentación ou incidencias, na Dirección Xeral de Recursos Humanos do Servizo Galego de Saúde, situada en San Lázaro s/n, 15703 de Santiago de Compostela.

3.2. Rexistro electrónico e acreditación de méritos.

3.2.1. Para o rexistro electrónico dos méritos, os/as aspirantes deberán proceder da seguinte forma:

As persoas interesadas accederán a través da páxina web do Servizo Galego de Saúde (www.sergas.es) ao expediente electrónico do profesional (Fides/expedient-e) segundo se indica no anexo IV destas bases e comprobarán os datos do seu currículo baremables no proceso de selección que constan rexistrados na aplicación informática, así como o seu estado.

Se non consta ningunha información ou está incompleta, a persoa aspirante, ata o último día do prazo de presentación de solicitudes, deberá rexistrar no sistema Fides/Expediente-e os méritos que posúe para os efectos da súa valoración no concurso de méritos. Logo do seu rexistro electrónico, deberá imprimir a solicitude de validación, que estará dispoñible na aplicación informática na epígrafe de «informe».

A solicitude de validación para este proceso dirixirase a unha unidade de validación das relacionadas no formulario electrónico de inscrición e poderá presentarse ata o último día



do prazo de presentación de instancias en rexistro administrativo, electrónico ou presencial, ou a través de calquera dos procedementos que se indican na base 5.2.

3.2.2. Xunto coa solicitude de validación, o/a aspirante deberá achegar a documentación acreditativa dos méritos que figuren pendentes de validación nos termos que se indican no anexo III. Só se admitirá como medio de acreditación válido o que se indica para cada un dos méritos no indicado anexo.

A documentación acreditativa dos méritos deberá presentarse na orde que figura cada un dos méritos na solicitude de validación.

3.2.3. Por tratarse dun procedemento de concorrencia competitiva non se admitirá, unha vez rematado o prazo de presentación de instancias e para os efectos da súa valoración neste proceso, ningunha documentación acreditativa de novos méritos aínda que consten rexistrados no expediente electrónico, agás aquela documentación que, esixida no anexo III e constando documentalmente ter sido solicitada polo/a interesado/a ao organismo ou entidade competente no prazo de presentación de solicitudes ou nun momento anterior, esta non fose recepcionada polo/a interesado/a no indicado prazo, suposto en que se admitirá a súa presentación no prazo de reclamación contra a lista provisional de admitidos/excluídos.

Fóra deste suposto e prazo non se admitirá a presentación de ningunha documentación acreditativa de novos méritos.

3.2.4. Aquelas persoas que, con anterioridade á data de publicación desta convocatoria no *Diario Oficial de Galicia* solicitasen, mediante a achega da documentación correspondente, a validación dalgún mérito previamente rexistrado no expediente electrónico e que se atope validado ou pendente de catalogar pola Administración, non terán que presentar novamente a documentación acreditativa de tal/es mérito/s agás a complementaria que resulte necesaria para a súa actualización.

É responsabilidade do/da aspirante a actualización de méritos consonte a data de referencia deste proceso mediante a presentación de novos certificados. No suposto de que non se produza tal actualización, só se terán en conta os achegados inicialmente.

3.2.5. Aquelas persoas que, con anterioridade á data de publicación desta convocatoria no *Diario Oficial de Galicia* solicitasen, mediante a presentación da documentación correspondente, a validación dalgún mérito previamente rexistrado no expediente electrónico e



que se atope pendente de validar, deberán presentar, de ser o caso, dentro do prazo de presentación de solicitudes, a documentación complementaria para acreditar debidamente o mérito nos termos do anexo III.

3.2.6. Aquelas persoas que, con anterioridade á data de publicación desta convocatoria no *Diario Oficial de Galicia* rexistrasen no sistema informático os seus méritos, que figuran como pendentes de validar sen que presentasen ningunha documentación acreditativa deles, deberán solicitar a súa validación e acreditar documentalmente a súa posesión nos termos do anexo III dentro do prazo de presentación de instancias para que poidan ser, se é o caso, valorados no dito procedemento.

3.2.7. Non será necesaria a acreditación documental do cumprimento dos seguintes méritos:

– A experiencia profesional como persoal estatutario nas institucións sanitarias do Servizo Galego de Saúde e entidades públicas adscritas á Consellería de Sanidade.

– A formación recibida e impartida pola Axencia Galega para a Xestión do Coñecemento en Saúde.

3.2.8. A Administración poderá requirir, en calquera momento, a achega de documentación complementaria acreditativa de calquera requisito ou mérito aínda que conste validado.

3.2.9. Para os efectos deste proceso, e sen prexuízo da súa validación e catalogación nun momento posterior, poderán deixarse sen validar e catalogar no expediente electrónico persoal do/da aspirante aqueles méritos que non teñan incidencia na puntuación a asignar no concurso de méritos por ter acadado o/a aspirante, cos méritos xa validados e catalogados, a puntuación máxima na respectiva epígrafe do baremo.

3.2.10. Os méritos que na data de publicación desta convocatoria figuren como validados en Fides/expedient-e permanecerán no dito estado, agás nos supostos en que se aprecie un erro de validación que obrigue á súa modificación.

Os méritos que non consten rexistrados no sistema informático na data de finalización do prazo de presentación de instancias non serán obxecto de valoración, salvo os indicados no parágrafo terceiro do apartado 3.1. desta resolución.



IV. Acreditación do coñecemento da lingua galega.

Para os efectos da asignación da puntuación prevista na base 8.1.3 desta convocatoria, aqueles/as aspirantes, que estean en posesión do Celga 4, curso de perfeccionamento de galego debidamente homologado polo órgano competente en materia de política lingüística da Xunta de Galicia, de conformidade co establecido na Orde do 10 de febreiro de 2014 pola que se modifica a Orde do 16 de xullo de 2007, que regula os certificados oficiais acreditativos dos niveis de coñecemento da lingua galega, deberán rexistrar este na epígrafe «idiomas» do expedient-e e achegar copia compulsada do mesmo dentro do prazo de presentación da solicitude de participación, salvo que xa conste este título como validado no expedient-e.

V. Solicitude.

5.1. Formulario de inscrición.

5.1.1. As persoas que desexen tomar parte no proceso selectivo deberán cubrir solicitude de participación, en modelo normalizado, na liña ou liñas ás que decida concorrer, a través da Oficina Virtual do Profesional (Fides/expedient-e/Sección de Procesos/Concurso de méritos), á cal se accederá seguindo as instrucións que se establecen no anexo IV, e que logo de formalizada electronicamente deberán imprimir, asinar e presentar nos lugares e prazo indicados nos apartados 5.2 e 5.3, respectivamente.

5.1.2. Non se admitirán as solicitudes que conteñan algunha emenda, marca ou riscadura no formulario de participación ou en calquera dos documentos acreditativos dos requisitos de participación.

As modificacións que, con carácter excepcional, resulte necesario que efectúe o/a aspirante nalgún dos datos contidos na solicitude de participación impresa efectuaranse mediante escrito dirixido á mesma unidade de validación á cal se dirixa a instancia de participación e no cal se indicará con claridade a modificación que se pretende.

Tal solicitude de modificación deberá presentarse, xunto coa instancia que modifica ou copia desta, a través do procedemento e prazo previstos na cláusula 5.2 e 5.3 desta convocatoria.

Transcorrido o prazo para a presentación de solicitudes, non se admitirán as modificacións das solicitudes previamente presentadas.



5.1.3. A consignación de datos falsos na solicitude ou na documentación achegada polos/as aspirantes sancionarase coa anulación da solicitude, sen prexuízo das demais medidas legais que correspondan.

5.1.4. O domicilio que figure nas solicitudes considerárase como o único válido aos efectos de notificacións, sendo responsabilidade exclusiva do/a aspirante tanto o erro na súa consignación como a comunicación ao Servizo Galego de Saúde de calquera cambio do mesmo. O mesmo será aplicable aos outros medios de comunicación posibles, como os teléfonos de contacto e o correo electrónico.

A Administración convocante poderá comunicar a través de Fides/expedient-e, de forma xeral ou individualizadamente, calquera nova que se produza no desenvolvemento do proceso.

5.1.5. Xunto coa solicitude de participación, a persoa aspirante deberá achegar a documentación esixida na base 2.5, a xustificación documental de todos os méritos previamente rexistrados no expediente electrónico que non acreditase nos termos da base 3.2 e, se é o caso, a documentación acreditativa do coñecemento da lingua galega.

Deberán presentarse en rexistro administrativo, electrónico ou presencial dirixidos ao Tribunal aqueles méritos que non teñan un apartado específico en Fides/expedient-e, e acreditalos documentalmente ata o último día do prazo de presentación de instancias. O Tribunal do proceso terá a súa sede, aos efectos de comunicacións, envío de documentación ou incidencias, na Dirección Xeral de Recursos Humanos do Servizo Galego de Saúde, situada en San Lázaro s/n, 15703 de Santiago de Compostela.

5.2. Lugar de presentación.

As solicitudes de participación no concurso de méritos dirixiranse a unha unidade de validación das relacionadas no propio formulario electrónico de inscrición e poderán presentarse por rexistro electrónico, de forma presencial no rexistro xeral dos servizos centrais e periféricos da Consellería de Sanidade e do Servizo Galego de Saúde, ou a través de calquera dos procedementos do artigo 16.4 da Lei 39/2015, do 1 de outubro, do procedemento administrativo común das administracións públicas.

Para o rexistro electrónico da solicitude requirirase dun certificado dixital válido: FNMT, DNI electrónico ou Camerfirma.



As solicitudes subscritas no estranxeiro poderanse cursar, no prazo expresado no número tres desta base, a través das representacións diplomáticas ou consulares españolas correspondentes, que as remitirán seguidamente ao organismo competente.

5.3. Prazo de presentación.

As solicitudes de participación poderán presentarse desde o día 16 de xaneiro de 2023 ata o 16 de febreiro de 2023, ambos días incluídos.

VI. Admisión de aspirantes.

6.1. Expirado o prazo de presentación de solicitudes, a Dirección Xeral de Recursos Humanos do Servizo Galego de Saúde publicará no *Diario Oficial de Galicia* a resolución pola que se declaren con carácter provisional os/as aspirantes admitidos/as e excluídos/as, co motivo da exclusión.

6.2. Os/as aspirantes excluídos/as disporán dun prazo de dez días hábiles, contados a partir do día seguinte ao da publicación da resolución para poderen corrixir, se for o caso, o defecto que motivou a súa exclusión.

Disporán do mesmo prazo de reclamación as persoas que, tendo presentado debidamente solicitude de participación no proceso, non consten como admitidas nin excluídas na relación publicada.

6.3. Non se poderá emendar a presentación da solicitude fóra do prazo habilitado para este efecto. A estimación ou desestimación das solicitudes de emenda entenderanse implícitas na resolución pola que se aprobe o listado definitivo de admitidos/as e excluídos/as, que se publicará no *Diario Oficial de Galicia*.

Contra tal resolución poderase interpoñer recurso potestativo de reposición ante a Dirección Xeral de Recursos Humanos do Servizo Galego de Saúde no prazo dun mes a contar desde o día seguinte ao da súa publicación no *Diario Oficial de Galicia*, de conformidade co establecido nos artigos 123 e 124 da Lei 39/2015, do 1 de outubro, do Procedemento Administrativo Común das Administracións Públicas.

O feito de figurar na relación de admitidos/as non prexulga que se recoñeza aos/ás interesados/as a posesión de todos os requisitos esixidos no procedemento que se convoca. Cando da documentación que debe presentarse, no caso de superar o proceso selectivo, se desprendese que non posúen algún dos requisitos, os/as interesados/as decaerán en todos os dereitos que poidan derivar da súa participación no procedemento.



VII. Tribunais.

7.1. A composición dos tribunais de selección será paritaria para o conxunto da oferta de emprego do Servizo Galego de Saúde. De conformidade co artigo 4.5. do Decreto 81/2022, do 25 de maio, polo que se aproba a oferta de emprego público extraordinaria para a estabilización do emprego temporal do persoal do Sistema Público de Saúde de Galicia (DOG Núm.102 de 30 de maio), poderá designarse un mesmo órgano de selección para varias categorías, respectando na súa composición os criterios sobre designación de tribunais establecidos pola lexislación de emprego público e demais normativa de selección.

7.2. Os tribunais cualificadores do concurso de méritos, serán nomeados pola autoridade convocante, publicándose a este efecto a oportuna resolución no *Diario Oficial de Galicia*.

Sen prexuízo das competencias de ordenación material e temporal propias do órgano convocante, corresponden ao tribunal de selección as funcións relativas á avaliación das competencias profesionais dos/das aspirantes a través da valoración dos distintos aspectos do seu currículo profesional e formativo así como, en xeral, a adopción de cantas medidas sexan precisas en orde ao correcto desenvolvemento do proceso e a resolución de incidencias.

En exercicio da súa facultade para avaliar as competencias profesionais dos/das aspirantes, o tribunal poderá propoñer motivadamente á autoridade convocante que a convocatoria dalgunha praza sexa finalmente declarada deserta. Na proposta deberá xustificarse debidamente que, unha vez valorados os currículos e entrevistadas as persoas aspirantes, ningunha delas conta coa capacidade investigadora mínima para desenvolver a correspondente liña de investigación.

7.3. Os tribunais terán a súa sede, aos efectos de comunicacións, envío de documentación ou incidencias, na Dirección Xeral de Recursos Humanos do Servizo Galego de Saúde, situada en San Lázaro s/n, 15703 de Santiago de Compostela.

7.4. Os tribunais estarán compostos por un número de membros non inferior a cinco, debendo designarse o mesmo número de membros suplentes.

De conformidade co establecido no artigo 59 da Lei 2/2015, do 29 de abril, do emprego público de Galicia, a pertenza aos órganos de selección será sempre a título individual, non podendo ostentarse esta en representación ou por conta de ninguén.



O persoal de elección ou de designación política, os funcionarios interinos e o persoal eventual non poderán formar parte do órgano de selección.

Os membros dos tribunais terán a condición de persoal funcionario de carreira ou estatutario fixo das Administracións Públicas ou dos Servizos de Saúde, ou de persoal laboral fixo dos centros vinculados ao Sistema Nacional de Saúde, en praza ou categoría para a que se esixa posuír titulación de nivel académico igual ou superior á esixida para o ingreso.

Os tribunais poderán propoñer ao órgano convocante a incorporación aos seus traballos dos/as asesores/as especialistas ou de apoio que estime oportunos. Os/as ditos/as asesores/as limitaranse a prestar a súa colaboración nas especialidades técnicas, con voz e sen voto.

7.5. Os/as membros dos tribunais deberán absterse de intervir, notificándollo á autoridade convocante, cando concorra neles/as algunha circunstancia das previstas no artigo 23 da Lei 40/2015, do 1 de outubro, de Réxime Xurídico do Sector Público e no Acordo adoptado no Consello da Xunta do 8 de abril de 2010 ou realicen tarefas de preparación de aspirantes a probas selectivas da correspondente categoría nos cinco anos anteriores á publicación desta convocatoria.

O/a presidente/a deberá solicitar dos/das membros do tribunal declaración expresa de non atoparse incursos/as nas circunstancias previstas no citado artigo 23 da Lei de Réxime Xurídico do Sector Público nin nas demais causas de abstención previstas nesta base. Esta declaración deberá ser tamén realizada polos/as asesores/as especialistas previstos e polo persoal auxiliar que o tribunal incorpore aos seus traballos.

Así mesmo, os/as aspirantes poderán recusar aos membros do tribunal e demais persoal colaborador cando concorra neles algunha das circunstancias previstas na presente base, conforme ao artigo 24 da Lei de Réxime Xurídico do Sector Público.

7.6. A autoridade convocante publicará, no seu caso, no *Diario Oficial de Galicia*, resolución pola que se nomeen os/as novos/as membros que teñan que substituír aos que perderon a súa condición por algunha das causas previstas.

7.7. Constituirase o tribunal coa asistencia da maioría dos seus membros, titulares ou suplentes, coa presenza en todo caso do/a presidente/a e do/a secretario/a. Na dita sesión, o tribunal adoptará as decisións que lle correspondan para o correcto desenvolvemento do proceso selectivo.



A partir da sesión de constitución, a actuación válida do tribunal requirirá a asistencia da maioría dos seus membros, con presenza, en todo caso, do/a presidente/a e do/a secretario/a.

Por acordo dos seus membros, o tribunal poderá decidir a autoconvocatoria para a seguinte ou seguintes sesións que teñan lugar sen necesidade de citación por escrito.

Das sesións celebradas polo tribunal redactarase a correspondente acta que será asinada polo/a secretario/a co visto e praxe do/a presidente/a.

Resultarán de aplicación á constitución e funcionamento dos órganos de selección as disposicións sobre órganos colexiados contidas na Lei 40/2015, do 1 de outubro, de Réxime Xurídico do Sector Público.

7.8. Os tribunais que actúen no proceso selectivo terán a categoría primeira das recollidas no Decreto 144/2001, de 7 de xuño, actualizado pola Resolución do 20 de xuño de 2008 (DOG nº 138, do 17 de xullo), segundo o acorde o órgano competente na materia.

VIII. Procedemento de selección.

8.1.1. Sistema de selección.

De acordo co establecido no artigo 3 apartado 3.2.1. do Decreto 81/2022, do 25 de maio, polo que se aproba a oferta de emprego público extraordinaria para a estabilización do emprego temporal do persoal do Sistema Público de Saúde de Galicia, en desenvolvemento da Lei 20/2021, do 28 de decembro, de medidas urxentes para a redución da temporalidade no emprego público, o sistema de selección será o de concurso de méritos.

8.1.2. Méritos a valorar.

Os méritos a valorar serán os recollidos no anexo II da presente Resolución que permitan valorar a traxectoria investigadora, a experiencia investigadora no ámbito sanitario, as contribucións científicas e/o tecnolóxicas realizadas, a colaboración activa con grupos de investigación, a experiencia ou estancias en centros de investigación internacionais e a experiencia en organización e xestión da investigación. A puntuación máxima a acadar pola valoración de tales méritos será de corenta puntos.

Os méritos valoraranse tendo en conta as liñas de investigación ás que conorra, que figuran no anexo I para cada unha das categorías de persoal de investigación. As liñas que



figuran no dito anexo, son as principais liñas actuais de investigación no Servizo Galego de Saúde, sen prexuízo de que no futuro se definan novas liñas nas que deberá traballar o persoal de investigación que resulte seleccionado nesta convocatoria.

O tribunal poderá requirir, de oficio, dos/as aspirantes ou de calquera Administración pública, a documentación complementaria ou as aclaracións precisas coa finalidade de asegurar a máxima obxectividade na adxudicación da puntuación do concurso de méritos.

Sen prexuízo do establecido no apartado anterior, ao obxecto de poder realizar a avaliación dos méritos aportados polos aspirantes o tribunal de entendela oportuno, realizarase unha entrevista aos aspirantes para valorar a relación dos méritos achegados coa liña de investigación a que concorra, aos que lle asignaran as puntuacións establecidas no baremo recollido no anexo II.

Na entrevista, que terá unha duración máxima de corenta minutos, os aspirantes deberán defender a vinculación dos seus méritos coa liña de investigación da/s praza/s ás que opta. En particular deberán facer exposición e defensa pública da adecuación da experiencia, das publicacións, dos proxectos de investigación e da participación en proxectos dos Centros de Investigación Biomédica En Rede (CIBER) ou das Redes temáticas de investigación cooperativa, ás características da liña/s de investigación da /s prazas/s ás que opta.

A orde de celebración das entrevistas comezará por aqueles aspirantes cuxo primeiro apelido comece pola letra «T», dacordo co establecido na Resolución do 28 de xaneiro de 2022 da Consellería de Facenda e Función Pública pola que se fai público o resultado do sorteo ao que se refire o Regulamento de selección de persoal da Administración da Comunidade Autónoma de Galicia, establecendo o apelido de inicio da orde de actuación respecto dos procesos de selección para o ingreso na Administración da Comunidade Autónoma de Galicia que deriven da oferta de emprego público correspondente ao ano 2022.

A entrevista ten carácter obrigatorio para todos/as os/as aspirantes. A non comparecencia á realización da entrevista, implicará a exclusión do proceso selectivo, quedando sen efecto todas as súas actuacións no mesmo.

8.1.3. Coñecemento da lingua galega.

Para lle dar cumprimento á normalización do idioma galego e garantir o dereito das/dos usuarias/os dos distintos servizos sanitarios do Servizo Galego de Saúde ao seu uso, así como a promoción do uso normal do galego por parte dos poderes públicos de Galicia, no



concurso de méritos valorarase o coñecemento da lingua galega, cunha puntuación específica e adicional de 5 puntos.

Terán dereito a esta puntuación os/as aspirantes que teñan acreditado na forma e prazo indicados na base cuarta desta convocatoria estar en posesión do certificado acreditativo do coñecemento da lingua galega Celga 4, ou equivalente debidamente homologado polo órgano competente en materia de política lingüística da Xunta de Galicia, de conformidade co establecido na Orde do 10 de febreiro de 2014 pola que se modifica a Orde do 16 de xullo de 2007, que regula os certificados oficiais acreditativos dos niveis de coñecemento da lingua galega.

8.1.4. Puntuacións provisionais.

Publicarase no *Diario Oficial de Galicia*, resolución da Dirección Xeral de Recursos Humanos co anuncio no que constará o lugar, data e hora de inicio das entrevistas, así como os aspirantes convocados en cada día.

Realizada polo tribunal a baremación correspondente, a Dirección Xeral de Recursos Humanos publicará no *Diario Oficial de Galicia* o anuncio da súa exposición, con indicación da puntuación provisional obtida por cada aspirante nos distintos apartados do anexo II, a correspondente á acreditación do coñecemento da lingua galega, de ser o caso, así como a valoración total do concurso de méritos.

Contra os resultados da baremación provisional, os/as aspirantes que o consideren oportuno poderán presentar reclamación ante o propio tribunal no prazo de dez días hábiles contados a partir do seguinte ao da súa publicación no *Diario Oficial de Galicia*.

8.1.5. Puntuación final do proceso.

Á vista das reclamacións presentadas ou apreciado de oficio polo órgano de selección algún erro material na baremación provisional asignada aos/ás aspirantes, o tribunal practicarás as oportunas correccións e aprobará as puntuacións definitivas de méritos do concurso e elevará á autoridade convocante para a súa publicación no *Diario Oficial de Galicia* a relación de aspirantes seleccionados/as.

A puntuación total do/da aspirante no proceso será a que resulte da suma da puntuación definitiva obtida pola valoración de méritos do concurso que se recollen no anexo II máis a acadada por aquel no apartado de coñecemento da lingua galega.



8.1.6. O sistema de desempate efectuarase a favor dos/das aspirantes que tivesen maior número de días de servizos prestados na categoría (na que participa) no Servizo Galego de Saúde. De persistir o empate, continuarase polo maior número de días de servizos prestados nalgún dos programas de estabilización de persoal investigador (que figuran no apartado terceiro do baremo) no Servizo Galego de Saúde e, de ser necesario, sucesivamente por cada apartado do baremo de investigación e innovación pola súa orde. De seguir existindo méritos iguais entre dúas ou máis persoas candidatas dirimirase o desempate a favor da persoa aspirante do xénero infrarrepresentado na categoría á que opta. Para rematar, decidirá a maior idade do/da aspirante.

Enténdese, a estes efectos, a existencia de infrarrepresentación cando na categoría obxecto de convocatoria exista unha diferenza porcentual de, polo menos, vinte puntos, entre o número de mulleres e o número de homes.

IX. Relación de aspirantes seleccionados/as e elección de destino.

9.1. Os/as aspirantes definitivamente seleccionados/as disporán do prazo que se determine na resolución prevista no apartado 8.1.5 para a presentación da seguinte documentación:

a) Declaración baixo a súa responsabilidade de non ter sido separado/a do servizo, mediante expediente disciplinario, de calquera servizo de saúde ou administración pública nos seis anos anteriores á convocatoria, nin estar inhabilitado/a con carácter firme para o exercicio de funcións públicas nin, no seu caso, para a correspondente profesión.

No caso dos/das nacionais doutro Estado, non atoparse inhabilitado/a, por sanción ou pena, para o exercicio profesional ou para o acceso a funcións ou servizos públicos nun Estado membro, nin ser separado/a, por sanción disciplinaria, dalgunha das administracións ou servizos públicos nos seis anos anteriores á convocatoria.

b) Certificado médico acreditativo de non padecer enfermidade nin defecto físico que lle imposibiliten para o exercicio das funcións propias da categoría.

c) Por exixencia do artigo 57 da Lei orgánica 8/2021, do 4 de xuño, de protección integral á infancia e a adolescencia fronte á violencia, certificación do Rexistro Central de Delinquentes Sexuais e de Trata de Seres Humanos, de non ter sido condenado/a por sentenza firme por algún delito contra a liberdade e indemnidade sexual ou, na súa falta,



autorización escrita ao Servizo Galego de Saúde para consultar os datos contidos no citado Rexistro e solicitar no seu nome a oportuna certificación.

d) Declaración baixo a súa responsabilidade de non ter a condición de persoal estatutario fixo da mesma categoría á que opta.

9.2. Os/as que dentro do prazo fixado non presenten a documentación ou do exame dela se deduza que carecen dalgún dos requisitos para participar no presente proceso selectivo, non poderán ser nomeados/as persoal estatutario fixo e quedarán anuladas as súas actuacións, sen prexuízo da responsabilidade en que incorresen por falsidade na solicitude inicial.

No suposto de aspirantes que non poidan acreditar a capacidade funcional por encontrarse en situación de incapacidade permanente total para a profesión habitual (na categoría á que opta), incapacidade permanente absoluta ou grande invalidez en virtude dunha resolución que prevé a revisión por melloría, ou que ten sido recorrida, o/a aspirante poderá aportar a documentación que acredite a recuperación da capacidade funcional ata o momento en que remate o prazo fixado para a revisión ou se dite a correspondente resolución, continuando a súa participación no proceso desde ese momento, previa acreditación da recuperación da capacidade funcional.

9.3. Comprobada a documentación de todos/as os/as aspirantes aprobados/as, a Dirección Xeral de Recursos Humanos do Servizo Galego de Saúde publicará no *Diario Oficial de Galicia* a relación definitiva de aspirantes seleccionados/as.

En ningún caso se poderá declarar que superaron o concurso de méritos un número de aspirantes superior ao de prazas convocadas.

9.4. As prazas adxudicaranse entre os/as aspirantes pola orde de puntuación acadada no concurso de méritos, en cada liña, co destino que figura no anexo I.

De resultar unha persoa adxudicataria de prazas en distintas liñas, será emprazada pola autoridade convocante, aos efectos de que realice opción por unha das liñas, procedendo de ser o caso a adxudicar ao seguinte aspirante en puntuación a/s praza/s ás que non tivese optado.



X. Nomeamento e toma de posesión.

10.1. Publicarase no *Diario Oficial de Galicia* a resolución pola que adxudique o destino e se declare finalizado o proceso selectivo, con nomeamento como persoal estatutario fixo do Servizo Galego de Saúde e asignación de destino a aqueles/as aspirantes seleccionados/as que acrediten o cumprimento dos requisitos exixidos.

Non poderán ser nomeados persoal estatutario fixo as persoas aspirantes seleccionadas que no momento de expedir o correspondente nomeamento se encontren en situación de incapacidade permanente total para a profesión habitual (na categoría á que opta), incapacidade permanente absoluta ou grande invalidez. Neste suposto se a resolución que recoñece a incapacidade prevé a revisión por melloría, ou ten sido recorrida, a participación do/a aspirante no presente proceso quedará en suspenso ata o momento en que remate o prazo de revisión ou se dite a correspondente resolución, procedendo nese momento e previa acreditación da recuperación da capacidade funcional á realización do correspondente nomeamento.

Tampouco poderán ser nomeados persoal estatutario fixo as persoas aspirantes seleccionadas que no momento de expedir o correspondente nomeamento tiveran a condición de persoal estatutario fixo da mesma categoría noutro servizo de saúde.

10.2. Os/as nomeados/as disporán do prazo dun mes para incorporarse á praza adxudicada. O cómputo deste prazo iniciarase ao día seguinte ao da publicación á que se refire o punto anterior. A toma de posesión da praza efectuarase no centro de xestión ao cal pertenza esta. A falta de incorporación no prazo referido, cando sexa imputable ao/á interesado/a e non responda a causas xustificadas, producirá o decaemento do seu dereito a obter a condición de persoal estatutario fixo como consecuencia do concreto proceso selectivo. Non entanto, en casos de forza maior, e por instancia do/da interesado/a, a Dirección Xeral de Recursos Humanos do Servizo Galego de Saúde poderá prorrogar o prazo de toma de posesión. A incorporación ás prazas adxudicadas levará aparellado o cesamento do persoal temporal que, se é o caso, as ocupe, de acordo cos criterios de incorporación e cesamento vixentes.

10.3. Presupostos de aplicación da cláusula indemnizatoria da Lei 20/2021 do 28 de decembro de medidas urxentes para a redución da temporalidade no emprego público. A Lei 20/2021, do 28 de decembro de medidas urxentes para a redución da temporalidade no emprego público establece unha compensación económica para o persoal estatutario interino que, ocupando prazas susceptibles de formar parte da convocatoria extraordinaria



de estabilización segundo a Lei 20/2021, estando en activo como tal, vise finalizada a súa relación coa Administración pola non superación do proceso selectivo de estabilización.

A presente convocatoria inclúe prazas recollidas no Decreto 81/2022, do 25 de maio, polo que se aproba a oferta de emprego público extraordinaria para a estabilización do emprego temporal do persoal do Sistema Público de Saúde de Galicia, en desenvolvemento da citada Lei 20/2021, debendo indicar que non procederá indemnizar a aquelas persoas que ocupando prazas da/s categoría/s obxecto desta convocatoria susceptibles de formar parte da convocatoria extraordinaria de estabilización, non resultando adxudicatario/a de praza no proceso selectivo se encontre nalgún dos seguintes supostos:

– Non participen neste proceso selectivo, ou unha vez inscrito renuncie á participación no mesmo.

– Resolto o proceso selectivo, non visen finalizada a súa relación coa Administración sanitaria e continúen en activo nalgún nomeamento temporal ou renuncie á súa formalización.

Tampouco procederá indemnizar a aquelas persoas que tendo sido nomeados/as persoal estatutario fixo, non tomen posesión da praza.

10.4. Co fin de asegurar a cobertura das prazas convocadas, no suposto de situacións nas que os seleccionados por diversos motivos non continúen no proceso, cubrirase a baixa coa persoa aspirante incluída inmediatamente a continuación na relación de seleccionados, pola orde de prelación que resulte da lista definitiva.

Nomeadamente chamarase ao seguinte aspirante, nos supostos de:

- Renuncias aos dereitos derivados do proceso selectivo.
- Non reunir os requisitos establecidos na convocatoria para o desempeño da praza.
- Non presentar a documentación requirida.
- Non formular elección de praza en tempo e forma conforme ao procedemento establecido.
- Non producirse a toma de posesión na praza adxudicada.



– Ser declarado, en situación de excedencia sen dereito a reserva de praza con efectos desde o mesmo día da toma de posesión.

Nos supostos previstos no apartado anterior, non se modificará a elección de praza realizada con carácter previo ao nomeamento, adxudicándose ás novas persoas aspirantes as prazas resultantes das devanditas situacións.

10.5. De conformidade coa disposición adicional 2ª do Decreto 70/2017, do 13 de xullo (DOG núm. 145, do 1 de agosto), como condición para o perfeccionamento do nomeamento que se expida, os/as aspirantes seleccionados/as deberán realizar, con carácter obrigatorio, e nun prazo non superior aos seis meses contados desde a data de publicación no *Diario Oficial de Galicia* do correspondente nomeamento como persoal estatutario fixo, as actividades formativas para a obtención do nivel básico de coñecemento en materia de igualdade de xénero e prevención e loita contra a violencia de xénero, previstas no artigo 4 da citada regulación, que se impartirán polo Servizo Galego de Saúde.

Non terán que realizar esta actividade formativa os/as aspirantes seleccionado/as que a teñan realizado con anterioridade, conste rexistrada en Fides/expedient-e e teña sido debidamente convalidada.

XI. Norma derradeira.

11.1. Esta convocatoria e as súas bases vinculan á Administración, ao tribunal encargado de xulgar o concurso e aos/ás que participen nel.

11.2. Así mesmo, cantos actos administrativos sexan producidos polo tribunal, pola autoridade convocante ou o órgano encargado da xestión, poderán ser impugnados polos/as interesados/as de acordo co establecido na Lei 39/2015, do 1 de outubro, do Procedemento Administrativo Común das Administracións Públicas.

11.3. Contra esta resolución, que pon fin á vía administrativa, poderase interpoñer recurso potestativo de reposición ante esta Dirección, no prazo dun mes a contar desde o día seguinte ao da súa publicación no *Diario Oficial de Galicia*, de conformidade co establecido na Lei 39/2015, do 1 de outubro, do Procedemento Administrativo Común das Administracións Públicas, ou poderase impugnar directamente na xurisdición contencioso administrativa nos termos da Lei 29/1998, de 13 de xullo.

Santiago de Compostela, 27 de decembro de 2022

Ana Mª Comesaña Álvarez
Directora xeral de Recursos Humanos



ANEXO I

Prazas e titulación

Investigador/a-sanitario-subgrupo A1.

Titulación	Subgrupo	Praza/s convocadas quenda libre	Liña de investigación	Destino
Título universitario oficial de grao ou licenciado nos ámbitos das ciencias da saúde ou das ciencias	A1	1	Reumatoloxía experimental e observacional. Autoinmunidade e Xenética	Área sanitaria de Santiago e A Barbanza
Título universitario oficial de grao ou licenciado nos ámbitos das ciencias da saúde ou das ciencias	A1	1	Mecanismos patoxénicos, biomarcadores e dianas terapéuticas en enfermidades autoinmunes: artrite reumatoide e lupus eritematoso sistémico	Área sanitaria de Santiago e A Barbanza
Título universitario oficial de grao ou licenciado nos ámbitos das ciencias da saúde ou das ciencias	A1	1	Nanomedicamentos baseados en nanosistemas lipídicos para tratamento e diagnóstico de cancro e outras enfermidades prevalentes. Deseño de novas terapias dirixidas en oncoloxía	Área sanitaria de Santiago e A Barbanza
Título universitario oficial de grao ou licenciado nos ámbitos das ciencias da saúde ou das ciencias	A1	1	Regulación da homeostasis enerxética e da viabilidade e o metabolismo cardiomiocitario por parte de adipocinas e de fármacos utilizados en medicina cardiovascular	Área sanitaria de Santiago e A Barbanza
Título universitario oficial de grao ou licenciado nos ámbitos das ciencias da saúde ou das ciencias	A1	1	Bases neuroendocrinas das accións das hormonas gastro-intestinais sobre a homeostasis enerxética: implicación na fisiopatoloxía da obesidade e metabolismo	Área sanitaria de Santiago e A Barbanza
Título universitario oficial de grao ou licenciado nos ámbitos das ciencias da saúde ou das ciencias	A1	1	Tumores xinecolóxicos e biopsia líquida	Área sanitaria de Santiago e A Barbanza
Título universitario oficial de grao ou licenciado nos ámbitos das ciencias da saúde ou das ciencias	A1	1	Sistemas ligando-receptor endóxenos determinantes nas patoloxías asociadas a procesos proliferativos e reparadores	Área sanitaria de Santiago e A Barbanza
Título universitario oficial de grao ou licenciado nos ámbitos das ciencias da saúde ou das ciencias	A1	1	Dianas terapéuticas para o tratamento de patoloxías do músculo esquelético relacionadas coa rexeneración e atrofia muscular	Área sanitaria de Santiago e A Barbanza
Título universitario oficial de grao ou licenciado nos ámbitos das ciencias da saúde ou das ciencias	A1	1	Biomarcadores, Teragnóstica e Terapias avanzadas en enfermidades neurolóxicas asociadas al envellecemento	Área sanitaria de Santiago e A Barbanza
Título universitario oficial de grao ou licenciado nos ámbitos das ciencias da saúde ou das ciencias	A1	1	Novas vías de comunicación do tecido adiposo na fisiopatoloxía e terapias da obesidade: identificación de biomarcadores circulantes e mecanismos endócrinos mediados por vesículas extracelulares	Área sanitaria de Santiago e A Barbanza
Título universitario oficial de grao ou licenciado nos ámbitos das ciencias da saúde ou das ciencias	A1	1	Bases xenéticas de esquizofrenia e doutros trastornos psiquiátricos	Área sanitaria de Santiago e A Barbanza



Titulación	Subgrupo	Praza/s convocadas quenda libre	Liña de investigación	Destino
Título universitario oficial de grao ou licenciado nos ámbitos das ciencias da saúde ou das ciencias	A1	1	Xenética Cardiovascular: cardiopatías familiares, enfermidades aórticas, cardiotoxicidade, morte súbita cardiaca, farmacoxenética cardiovascular	Área sanitaria de Santiago e A Barbanza
Título universitario oficial de grao ou licenciado nos ámbitos das ciencias da saúde ou das ciencias	A1	1	Senescencia celular en fisioloxía e patoloxía	Área sanitaria de Santiago e A Barbanza
Título universitario oficial de grao ou licenciado nos ámbitos das ciencias da saúde ou das ciencias	A1	1	Estudio e abordaxe farmacolóxico das respostas inmunes innatas articulares e a osificación heterotópica	Área sanitaria de Santiago e A Barbanza
Título universitario oficial de grao ou licenciado nos ámbitos das ciencias da saúde ou das ciencias	A1	1	Dosimetría de radiacións e modelos biomatemáticos de doses/resposta en radioterapia	Área sanitaria de Santiago e A Barbanza
Título universitario oficial de grao ou licenciado nos ámbitos das ciencias da saúde ou das ciencias	A1	1	Ictus traslacional e neuroprotección	Área sanitaria de Santiago e A Barbanza
Título universitario oficial de grao ou licenciado nos ámbitos das ciencias da saúde ou das ciencias	A1	1	Interaccións neuroendocrinas en enfermidades reumáticas e inflamatorias	Área sanitaria de Santiago e A Barbanza
Título universitario oficial de grao ou licenciado nos ámbitos das ciencias da saúde ou das ciencias	A1	1	Enfermidades Neuropsiquiátricas (Demencia, esquizofrenia, depresión e trastorno por estrés postraumático): Mecanismos epixenéticos, aprendizaxe e memoria, neuroxénese, biomarcadores en sangue, dianas terapéuticas, e ferramentas bioinformáticas	Área sanitaria de Santiago e A Barbanza
Título universitario oficial de grao ou licenciado nos ámbitos das ciencias da saúde ou das ciencias	A1	1	Epidemioloxía xenética e molecular do cancro. Quimioprevención do cancro: ensaios clínicos. Vitamina D, nutracéuticos, fungos, microbioma	Área sanitaria de Vigo
Título universitario oficial de grao ou licenciado nos ámbitos das ciencias da saúde ou das ciencias	A1	1	Infección por VIH e SARS-CoV-2: epidemioloxía molecular/resistencias, factores de evolución e resposta a tratamento, inflamación e vesículas extracelulares	Área sanitaria de Vigo
Título universitario oficial de grao ou licenciado nos ámbitos das ciencias da saúde ou das ciencias	A1	1	Aplicación de estratexias proteómicas para o descubrimento de biomarcadores en artrose e artrite reumatoide	Área Sanitaria de A Coruña e Cee
Título universitario oficial de grao ou licenciado nos ámbitos das ciencias da saúde ou das ciencias	A1	1	Estudio da disfunción mitocondrial e da dieta na inflamación asociada a patoloxías articulares e diálise peritoneal	Área Sanitaria de A Coruña e Cee
Título universitario oficial de grao ou licenciado nos ámbitos das ciencias da saúde ou das ciencias.	A1	1	Estudios de mecanismos de resistencia a antimicrobianos en bacterias Gram - multirresistentes e avaliación de novas alternativas antibióticas	Área Sanitaria de A Coruña e Cee
Título universitario oficial de grao ou licenciado nos ámbitos das ciencias da saúde ou das ciencias	A1	1	Infertilidade: fragmentación do ADN dos Espermatozoides	Área Sanitaria de A Coruña e Cee



Titulación	Subgrupo	Praza/s convocadas queda libre	Liña de investigación	Destino
Título universitario oficial de grao ou licenciado nos ámbitos das ciencias da saúde ou das ciencias	A1	1	Estudio xenética mitocondrial en enfermidades reumáticas especialmente a artrose e artrite reumatoides	Área Sanitaria de A Coruña e Cee
Título universitario oficial de grao ou licenciado nos ámbitos das ciencias da saúde ou das ciencias	A1	1	Estudio da autofaxia no envellecemento articular e na artrose: Desenvolvemento de terapias dirixidas	Área Sanitaria de A Coruña e Cee
Título universitario oficial de grao ou licenciado nos ámbitos das ciencias da saúde ou das ciencias	A1	1	Insuficiencia Cardíaca avanzada e transplante cardíaco	Área Sanitaria de A Coruña e Cee
Título universitario oficial de grao ou licenciado nos ámbitos das ciencias da saúde ou das ciencias	A1	1	Estudios moleculares de mecanismos de tolerancias, persistencias e resistencias aos antibióticos. Innovación en técnicas diagnósticas ultrarrápidas de enfermidades infecciosas. Fagoterapia e enzimas derivadas	Área Sanitaria de A Coruña e Cee
Título universitario oficial de grao ou licenciado nos ámbitos das ciencias da saúde ou das ciencias	A1	1	Neurociencias, Oncoloxía e Hematoloxía	Área Sanitaria de A Coruña e Cee

Investigador/a-non sanitario-subgrupo A1.

Titulación	Subgrupo	Praza/s convocadas queda libre	Liña de investigación	Destino
Título universitario oficial de grao ou licenciado nos ámbitos das ciencias da saúde ou das ciencias.	A1	1	Xenética das enfermidades cardiovasculares hereditarias asociadas a morte súbita cardíaca	Área sanitaria de Santiago e A Barbanza
Título universitario oficial de grao ou licenciado nos ámbitos das ciencias da saúde ou das ciencias.	A1	1	Epidemioloxía xenética e molecular do cancro. Quimioprevención do cancro: ensaios clínicos. Vitamina D, nutracéuticos, fungos, microbioma.	Área sanitaria de Vigo
Título universitario oficial de grao ou licenciado nos ámbitos das ciencias da saúde ou das ciencias.	A1	1	Estudio biomorfolóxico, banco de mostras e biomodelos en Enfermidades Raras	Área sanitaria de Vigo

Investigador/a-sanitario-subgrupo C1.

Titulación	Subgrupo	Praza/s convocadas queda libre	Liña de investigación	Destino
Técnico/a superior de laboratorio clínico e Biomédico	C1	1	Xestión e manexo de microscopía confocal	Área sanitaria de Santiago e A Barbanza
Técnico/a superior de anatomía patolóxica e citodiagnóstico	C1	1	Epidemioloxía xenética e molecular do cancro. Quimioprevención do cancro: ensaios clínicos. Vitamina D, nutracéuticos, fungos, microbioma.	Área sanitaria de Vigo



ANEXO II**Baremo**

Categorías de investigador/a-sanitario e non sanitario-subgrupo A1.

1. Formación: ata un máximo de 3 puntos.

1.1. Formación Académica.

a) Grao:

1. Licenciatura:

Plan antigo:

– Por cada matrícula de honra: 0,14 puntos.

– Por cada sobresaliente: 0,06 puntos.

– Por cada notable: 0,02 puntos.

Non se valorará o sobresaliente cando se obtivese matrícula de honra.

A suma das puntuacións dividirase polo número total de materias avaliadas no plan de estudos, expresando o cociente con dous decimais.

Non se valorarán as materias de idioma, relixión, formación política e educación física.

Plan novo:

A puntuación correspondente aos estudos de cada aspirante obterase mediante a aplicación do seguinte algoritmo:

$$\frac{0,02 C_n + 0,06 C_s + 0,14 C_{mh}}{C_a + C_n + C_s + C_{mh}}$$

As anotacións C_a , C_n , C_s e C_{mh} corresponden ao número total de créditos que na certificación académica estean adscritos a materias troncais e obrigatorias e nos que, respec-



tivamente, obtivéronse as cualificacións de aprobado, notable, sobresaliente e matrícula de honra. Non se puntuará o sobresaliente cando se obtivese matrícula de honra.

Non serán valorados os créditos correspondentes a materias optativas ou de libre elección/configuración.

A puntuación resultante expresarase con dous decimais.

Non se valorarán as materias de idioma, relixión, formación política e educación física.

2. Exame de grao ou tesina: 0,08 puntos. (Con sobresaínte ou matrícula de honra 0,06 puntos máis).

3. Premio extraordinario: 0,12 puntos.

b) Posgrao:

1. Pola realización de todos os cursos de doutoramento (sistema anterior ao Real decreto 185/1985) ou pola realización do programa de doutoramento ata o nivel de suficiencia investigadora segundo os reais decretos 185/1985 e 778/1998, ou pola obtención do diploma de estudos avanzados (DEA): 0,2 puntos.

2. Título de doutor/a en o ámbito das ciencias da saúde: 1 punto.

3. Premio extraordinario de doutoramento no ámbito das ciencias da saúde: 0,12 puntos.

4. Por cada máster universitario oficial (Espazo Europeo de Educación Superior, EEES) no ámbito das ciencias da saúde, que se atope debidamente acreditado e rexistrado no RUCT: 0,4 puntos.

A titulación de máster debe rexistrala o/a aspirante en Fides/expedient-e no epígrafe de formación continuada recibida/máster.

Os apartados b.1) e b.2) son excluíntes entre si.

1.2. Estancias Formativas en centros de investigación nacionais ou estranxeiros:

Pola estancia en centros de investigación, considerados como tales os centros receptores nos que os profesionais desenvolvan actividades de investigación, trátase de centros



do SNS, universidades, organismos públicos de investigación (OPIS) ou, en xeral, calquera centro de investigación dependente da Administración Pública española ou centros de investigación nacionais ou estranxeiros que contén con grupos de investigación de traxectoria acreditada en biomedicina e ciencias da saúde.

No caso de que a estancia sexa cuberta con financiamento conseguido en convocatoria competitiva Marie Curie ou de Axudas para a mobilidade do persoal investigador do Instituto Carlos III: M-BAE ou M-AES: 0,1 puntos/mes completo.

No resto dos casos: 0,08 puntos/mes completo.

As estancias clínicas para a mellora de habilidades ou a aprendizaxe de técnicas innovadoras, que consten debidamente acreditadas conforme o Sistema Acreditador da Formación Continuada do Sistema Nacional de Saúde, serán obxecto de valoración no apartado de formación continuada.

1.3. Formación continuada:

a) Pola asistencia, debidamente xustificada, a actividades formativas acreditadas por algún dos órganos acreditadores que integran o Sistema Acreditador da Formación Continuada do Sistema Nacional de Saúde, polo Consello Europeo de Acreditación da Educación Médica Continuada (EACCME) ou a Asociación Médica Americana (AMA), impartidos por calquera entidade ou organismo público ou privado, sempre que teñan un contido relacionado coas funcións propias da categoría á que se opta.

b) Pola asistencia debidamente xustificada a cursos de formación e perfeccionamento convocados e impartidos pola Administración estatal, autonómica, universidades, Servizo Público de Emprego, Cruz Vermella, colexios profesionais, organizacións sindicais ou avalados polo Servizo Galego de Saúde ou por calquera organismo público, sempre que teñan un contido relacionado coas funcións propias da categoría á que se opta.

c) Pola asistencia, debidamente xustificada, a cursos de formación continuada realizados en aplicación dos acordos de formación continuada das administracións públicas, sempre que teñan un contido relacionado coas funcións propias da categoría á que se opta.

Valoración:

– Por crédito CFC: 0,01 puntos.



– Por crédito EACCME/AMA PRA categoría 1: 0,002 puntos.

– Por hora: 0,001 puntos.

d) Pola superación da actividade formativa impartida polas Universidades, coa condición de título propio (máster universitario, experto universitario, especialista universitario), no ámbito das ciencias da saúde:

– En caso de estar computado en créditos ECTS: 0,03 puntos/crédito.

– En caso de estar computado só en horas: 0,001 puntos/hora.

e) A puntuación que se outorgará aos/as aspirantes que impartisen os cursos de formación continuada recollidos nos apartados anteriores será de 0,004 puntos por hora de docencia impartida.

Para o caso de que o certificado indique os créditos e as horas de duración, a valoración realizarase sempre polos créditos que figuren neste. Se a actividade formativa consta acreditada en créditos EACCME ou AMA PRA e créditos CFC valorarase coa puntuación asignada a estes últimos.

Non se valorarán os cursos realizados durante o período de especialización que estean incluídos no programa docente da especialidade correspondente, nin os que foron valorados no apartado de posgraos de formación académica.

Os cursos de prevención de riscos, de informática, de xestión clínica, de bioestadística e de metodoloxía da investigación valoraranse en todas as categorías, con independencia da data de obtención do título esixido para o acceso á categoría.

Así mesmo, valorarase en todo caso a formación en igualdade entre mulleres e homes e en prevención e loita contra a violencia de xénero.

Non serán obxecto de valoración os diplomas relativos á realización de xornadas, seminarios, simposios, talleres ou similares, agás que estean debidamente acreditados polos órganos acreditadores que forman o Sistema acreditador de formación continuada do Sistema Nacional de Saúde.



1.4. Formación especializada:

a) Por completar o período como residente do programa MIR, FIR, QUIR, BIR, PIR ou RHIR en España ou nun país da Unión Europea ou ben completar o período de formación como residente nun centro estranxeiro cun programa recoñecido de docencia para posgraduados/as nunha especialidade e co título validado polo Ministerio de Educación: 0,6 puntos.

b) Por obter o título dunha especialidade como consecuencia de acceder, con anterioridade á entrada en vigor do Real decreto 127/1984, do 11 de xaneiro, a unha praza de especialista en formación, convocada por algunha das administracións públicas ou institucións sanitarias concertadas con estas e que acrediten realizar de maneira ininterrompida e baixo un mesmo réxime docente, os anos de formación establecidos para a correspondente especialidade, mediante nomeamento ou contrato de bolsa docente expedido pola devandita Administración que implique relación profesional retribuída periodicamente con cargo aos seus orzamentos: 0,6 puntos.

A puntuación dos apartados a) e b) son excluíntes entre si.

1.2. Docencia.

a) Docencia universitaria impartida no ámbito das ciencias da saúde, incluíndo a participación en equipo docente de programas de doutoramento: 0,08 puntos/curso académico, ata un máximo de 0,8 puntos.

b) Dirección de teses doutorais: 0,4 puntos/ tese dirixida.

c) Dirección de traballos fin de master ou do Diploma de Estudos Avanzados (DEA): 0,08 puntos/ traballo fin de master - DEA dirixido, ata un máximo de 0,8 puntos.

d) Dirección de traballos fin de grao: 0,04 puntos/ traballo fin de grao dirixido, ata un máximo de 0,4 puntos.

3. Investigación e Innovación sanitaria: ata un máximo de 9 puntos.

a) Autoría de traballos científicos e de investigación no ámbito das ciencias da saúde, apreciados libremente polo tribunal conforme aos seguintes criterios e táboas de valoración:



a.1) Revistas científicas.

– As publicacións deben pertencer a revistas científicas indexadas en INDICES CSIC, IBECs, Pubmed, Web of Science (Wos), SCOPUS, Embase e PsycINFO e catálogo Latindex.

Non serán obxecto de valoración as publicacións realizadas en revistas non indexadas nas bases de datos referidas.

Tales publicacións valoraranse nos seguintes termos:

1º. Artigos científicos (orixinal, orixinal breve, revisión, revisión sistemática, meta-análise e guías de práctica clínica) publicados en revistas con factor de impacto do Journal Citation Report (JCR) ou Scimago Journal Range (SJR) na data de publicación da convocatoria, incluídas no primeiro ou segundo cuartil: 0,32 puntos cando estas publicacións se correspondan coa liña de investigación vinculada a praza á que opta recollida no anexo I. Noutro suposto 0,11 puntos.

2º. Artigos científicos (orixinal, orixinal breve, revisión, revisión sistemática, meta-análise e guías de práctica clínica) publicados en revistas non incluídas no primeiro ou segundo cuartil de factor de impacto na data de publicación da convocatoria: 0,12 puntos cando se correspondan coa liña de investigación vinculada a praza á que opta recollida no anexo I. Noutro suposto 0,04 puntos.

3º. Editoriais, cartas, artigos de opinión, técnicas e procedementos, de carácter científico ou de investigación, publicados en revistas con factor de impacto do Journal Citation Report (JCR) ou Scimago Journal Range (SJR) na data de publicación da convocatoria: 0,08 puntos cando se correspondan coa liña de investigación vinculada a praza á que opta recollida no anexo I. Noutro suposto 0,027 puntos.

Non serán obxecto de valoración as notas clínicas, resumos de comunicacións e casos clínicos.

a.2) Libros ou capítulos de libros.

– Capítulo de libro: 0,08 puntos cando o capítulo ou libro se corresponda coa liña de investigación vinculada a praza á que opta recollida no anexo I. Noutro suposto 0,027 puntos.



– Libro completo: 0,24 puntos cando o libro se corresponda coa liña de investigación vinculada a praza á que opta recollida no anexo I. Noutro suposto 0,08 puntos.

Só terán a consideración de libro aquelas publicacións cun mínimo de 49 páxinas.

Para a súa valoración, a publicación debe estar avalada por unha institución pública, académica, sociedade científica ou realizada por editoriais científicas de recoñecido prestixio.

Non se poderán valorar máis de tres capítulos dun mesmo libro.

Non terán a consideración de libro, aínda que adopten esta forma de edición as actas de congreso.

Por non reunir a condición de traballo científico e de investigación non serán obxecto de valoración os libros/capítulos editados como glosario, anuario, manuais de preparación para o acceso á formación sanitaria especializada e ao emprego público, cursos de formación continuada, protocolos de servizo, libros de casos clínicos, sesións interhospitalarias e demais que así se aprecien polo respectivo órgano de selección.

Por ser obxecto de valoración tal mérito noutro apartado do baremo, non se lle asignará ningunha puntuación neste apartado ás publicacións de teses doutorais.

Non serán obxecto de valoración as autoedicións e/o autopublicacións, entendendo por tales aquelas publicacións financiadas ou promovidas por algún dos seus autores ou nas que este figure como editor.

No suposto de libros de autoría colectiva, só será obxecto de valoración aquela publicación que, da documentación presentada polo/a aspirante quede suficientemente acreditada a participación concreta na mesma. Enténdese por autoría colectiva aquela publicación na que interveñen un mínimo de catro autores.

Os capítulos de libro nos que participen catro ou máis autores non serán obxecto de valoración.

Normas comúns de valoración de libros e revistas:

– En ningún caso, un mesmo contido determinado e obxectivo publicado baixo diferentes formas e en diferentes publicacións poderá ser obxecto de máis dunha valoración.



– Non serán obxecto de valoración as publicacións de carácter divulgativo. Para os efectos deste baremo, non terán a consideración de autor da publicación, o coordinador, director e outros colaboradores.

b) Premios de investigación:

Por cada premio de investigación outorgado a traballos de investigación orixinais publicados, premios a comunicacións en congresos científicos e premios de recoñecido prestixio a traxectorias científicas, outorgados por sociedades científicas, organismos oficiais ou entidades sen ánimo de lucro debidamente rexistradas entre cuxos fins se atope a investigación:

– Premio de ámbito internacional: 0,24 puntos.

– Premio de ámbito nacional: 0,12 puntos.

– Premio de ámbito autonómico: 0,04 puntos.

c) Proxectos de investigación:

c-1) Por cada participación en proxectos de investigación ou innovación financiados por organismos públicos:

a) Como investigador/a principal:

– Proxectos internacionais: 1,6 puntos cando se correspondan coa liña de investigación vinculada a praza á que opta recollida no anexo I. Noutro suposto 0,55 puntos.

– Proxectos nacionais: 0,8 puntos cando se correspondan coa liña de investigación vinculada a praza á que opta recollida no anexo I. Noutro suposto 0,27 puntos.

– Proxectos autonómicos: 0,24 puntos cando se correspondan coa liña de investigación vinculada a praza á que opta recollida no anexo I. Noutro suposto 0,08 puntos.

b) Como investigador/a colaborador/a:

– Proxectos internacionais: 0,8 puntos cando se correspondan coa liña de investigación vinculada a praza á que opta recollida no anexo I. Noutro suposto 0,27 puntos.



– Proxectos nacionais: 0,24 puntos cando se correspondan coa liña de investigación vinculada a praza á que opta recollida no anexo I. Noutro suposto 0,08 puntos.

– Proxectos autonómicos: 0,08 puntos cando se correspondan coa liña de investigación vinculada a praza á que opta recollida no anexo I. Noutro suposto 0,027 puntos.

Por cada participación en proxectos de investigación ou innovación en convocatorias competitivas financiados por organismos privados nacionais ou internacionais:

– Como investigador/a principal: 0,24 puntos nestes proxectos cando se correspondan coa liña de investigación vinculada a praza á que opta recollida no anexo I. Noutro suposto 0,08 puntos.

Os proxectos de investigación non competitivos non serán baremables.

Non se considerarán parte do equipo investigador o persoal contratado a cargo do proxecto nin as colaboracións puntuais no mesmo.

c-2) Pola participación, como xefe/a de grupo, en axudas de convocatorias públicas para captación de talento investigador: 0,8 puntos por cada contrato nas seguintes axudas para captación de talento investigador en que participe como xefe/a de grupo:

- Contratos Juan Rodés, Miguel Servet, Ramón e Cajal ou Juan da Cerva incorporación.
- Contratos Rio Hortega, Sara Borrell, PFIS ou Juan da Cerva formación.
- Contratos post-doc de Gain.
- Contratos Pre-doc de Gain ou outros Organismos de investigación públicos.

c-3) Por cada participación en proxectos dos Centros de Investigación Biomédica En Rede (CIBER) ou das Redes temáticas de investigación cooperativa en saúde: 0,24 puntos cando se correspondan coa liña de investigación vinculada a praza á que opta recollida no anexo I. Noutro suposto 0,08 puntos.

d) Por participación en órganos de dirección/asesoramento científico- técnico, ata un máximo de 0,48 puntos.



Pola participación como membro de comités científicos, ou comisións de investigación, internos ou externos de Institutos de investigación sanitaria, comités de ética de investigación ou comités de ética de experimentación animal, ou como director ou subdirector científico dun Instituto de Investigación sanitaria, ou coordinador ou responsable ou subcoordinador dunha área de investigación dun Instituto de Investigación sanitaria, 0,24 puntos en cada caso.

e) Títulos de Propiedade industrial (Patentes e Modelos de utilidade):

e-1) Por figurar como inventor/a de unha patente (único/a ou compartido con outros inventores/as):

– Solicitada e aceptada: 0,8 puntos.

– En explotación: 1,6 puntos

A puntuación de ambos os apartados é excluínente entre si.

e-2) Por figurar como inventor/a de un modelo de utilidade (único/a ou compartido con outros inventores/as)

– Solicitado e aceptado: 0,4 puntos.

– En explotación: 0,8 puntos

A puntuación de ambos os apartados é excluínente entre si.

2.- Experiencia: 28 puntos.

– Por cada mes completo de servizos prestados exclusivamente como persoal estatutario temporal na mesma categoría ou categoría equivalente homologada pola conta e baixo a dependencia de institucións sanitarias no Sistema Público de Saúde de Galicia: 0,20 puntos/mes.

– Por cada mes completo de servizos prestados como persoal estatutario temporal na mesma categoría ou categoría equivalente homologada por conta e baixo dependencia de institucións sanitarias do sistema sanitario público doutros servizos de saúde do Sistema Nacional de Saúde: 0,10 puntos/mes.



– Por cada mes completo de servizos prestados por conta e baixo dependencia de institucións sanitarias do Sistema Sanitario Público do Sistema Nacional de Saúde, nalgún dos programas de estabilización de persoal investigador convocados polo Instituto Carlos III ou por outra entidade dependente da Administración Pública, sempre neste último caso desenvolvido dentro do ámbito da investigación biomédica (Programas I2SNS, I3SNS, EMER, Miguel Servet, Juan Rodés, Ramón e Cajal ou similares), que esixan o mesmo nivel de titulación ou superior ao requirido nesta convocatoria: 0,10 puntos/mes

Normas xerais de valoración:

Primeira

Os meses serán computados por días naturais.

O cómputo dos servizos prestados efectuarase por meses. Para iso calcularase en cada apartado do baremo o número total de días e dividirase entre 30, de tal xeito que o que se valorará en cada punto será o cociente enteiro, despregándose os decimais.

En ningún caso, a suma dos servizos prestados con distintos nomeamentos dentro do mesmo mes natural, poderá valorarse por enriba da puntuación establecida para o devandito período dun mes.

En ningún caso, un mesmo período de servizos prestados poderá ser obxecto de valoración en distintos apartados do baremo. De igual xeito, un mesmo período de tempo de servizos prestados non poderá ser obxecto de valoración en máis dunha categoría, ou en varios servizos ou unidades, tanto do mesmo como de diferente centro.

Segunda

Os servizos prestados durante o período en que se disfrute dunha redución de xornada por algunha das causas legalmente previstas serán valorados como servizos prestados en réxime de xornada completa.

Os servizos prestados polo persoal especificamente nomeado a tempo parcial serán valorados coa conseguinte redución. Cando nun mesmo período, o/a interesado/a acredite distintos nomeamentos a tempo parcial, realizarase unha acumulación, sen que poida resultar, en ningún caso, unha xornada acumulada superior á xornada completa.



O período de formación para a obtención do título de especialista non poderá ser valorado como tempo de servizos prestados.

Os períodos de permiso sen soldo así como a permanencia en situación de servizos especiais valoraranse como tempo de servizos efectivamente prestados na categoría para os efectos deste baremo.

Terceira

A experiencia profesional valorarase a partir da data de superación do período formativo conducente á obtención do título exixido para o acceso á categoría.

Os servizos prestados polos/as especialistas con título expedido por terceiros países valoraranse desde a data de homologación ou recoñecemento do título da especialidade polo Ministerio de Educación.

Categoría de investigador/a-sanitario-subgrupo C1.

1. Formación: ata un máximo de 6 puntos.

1.1. Formación Académica.

Estudos da correspondente formación profesional:

Plan antigo:

– Por cada matrícula de honra: 0,75 puntos.

– Por cada sobresaliente: 0,5 puntos.

– Por cada notable: 0,25 puntos.

Non se valorará o sobresaliente cando se obtivese matrícula de honra.

A suma das puntuacións dividirase polo número total de materias avaliadas no plan de estudos, expresando o cociente con dous decimais.

Non se valorarán as materias de idioma, relixión, formación política e educación física.



Plan novo:

A puntuación correspondente aos estudos de cada aspirante obterase mediante a aplicación do seguinte algoritmo:

$$\frac{0,25 Cn + 0,5 Cs + 0,75 Cmh}{Ca + Cn + Cs + Cmh}$$

As anotacións Ca, Cn, Cs e Cmh corresponden ao número total de créditos que na certificación académica estean adscritos a materias troncais e obrigatorias e nos que, respectivamente, obtivéronse as cualificacións de aprobado, notable, sobresaliente e matrícula de honra. Non se puntuará o sobresaliente cando se obtivese matrícula de honra.

Non serán valorados os créditos correspondentes a materias optativas ou de libre elección/configuración.

A puntuación resultante expresarase con dous decimais.

Non se valorarán as materias de idioma, relixión, formación política e educación física.

1.2. Estancias Formativas en centros de investigación nacionais ou estranxeiros:

Pola estancia en centros de investigación, considerados como tales os centros receptores nos que os profesionais desenvolvan actividades de investigación, trátase de centros do SNS, universidades, organismos públicos de investigación (OPIS) ou, en xeral, calquera centro de investigación dependente da Administración Pública española ou centros de investigación nacionais ou estranxeiros que contén con grupos de investigación de traxectoria acreditada en biomedicina e ciencias da saúde: 0,75 puntos/mes completo cando se correspondan coa liña de investigación vinculada a praza á que opta recollida no anexo I. Noutro suposto 0,25 puntos/mes completo.

1.3. Formación continuada.

a) Pola asistencia, debidamente xustificada, a actividades formativas acreditadas por algún dos órganos acreditadores que integran o Sistema Acreditador da Formación Continuada do Sistema Nacional de Saúde, polo Consello Europeo de Acreditación da Educación Médica Continuada (EACCME) ou a Asociación Médica Americana (AMA), impartidos



por calquera entidade ou organismo público ou privado, sempre que teñan un contido relacionado coas funcións propias da categoría á que se opta.

b) Pola asistencia debidamente xustificada a cursos de formación e perfeccionamento convocados e impartidos pola Administración estatal, autonómica, universidades, Servizo Público de Emprego, Cruz Vermella, colexios profesionais, organizacións sindicais ou avalados polo Servizo Galego de Saúde ou por calquera organismo público, sempre que teñan un contido relacionado coas funcións propias da categoría á que se opta.

c) Pola asistencia, debidamente xustificada, a cursos de formación continuada realizados en aplicación dos acordos de formación continuada das administracións públicas, sempre que teñan un contido relacionado coas funcións propias da categoría á que se opta.

d) Pola asistencia debidamente xustificada a cursos de formación e perfeccionamento impartidos por outras entidades para manexo de equipamento directamente relacionado co obxecto da liña de investigación á que concorre.

Valoración:

– Por crédito CFC: 0,30 puntos.

– Por crédito EACCME/AMA PRA categoría 1: 0,06 puntos.

– Por hora: 0,03 puntos.

d) A puntuación que se outorgará aos/as aspirantes que impartisen os cursos de formación continuada recollidos nos apartados anteriores será de 0,06 puntos por hora de docencia impartida.

Para o caso de que o certificado indique os créditos e as horas de duración, a valoración realizarase sempre polos créditos que figuren en leste. Se a actividade formativa consta acreditada en créditos EACCME ou AMA PRA e créditos CFC valorarase coa puntuación asignada a estes últimos.

Os cursos de prevención de riscos, de informática, de xestión clínica, de bioestadística e de metodoloxía da investigación valoraranse en todas as categorías, con independencia da data de obtención do título esixido para o acceso á categoría.

Así mesmo, valorarase en todo caso a formación en igualdade entre mulleres e homes e en prevención e loita contra a violencia de xénero.



Non serán obxecto de valoración os diplomas relativos á realización de xornadas, seminarios, simposios ou similares, agás que estean debidamente acreditados polos órganos acreditadores que forman o Sistema acreditador de formación continuada do Sistema Nacional de Saúde.

2. Experiencia: 28 puntos.

– Por cada mes completo de servizos prestados exclusivamente como persoal estatutario temporal na categoría de investigador sanitario subgrupo C1 pola conta e baixo a dependencia de institucións sanitarias no Sistema Público de Saúde de Galicia: 0,20 puntos/mes.

– Por cada mes completo de servizos prestados como persoal estatutario temporal na categoría de investigador sanitario subgrupo C1 por conta e baixo dependencia de institucións sanitarias do sistema sanitario público doutros servizos de saúde do Sistema Nacional de Saúde: 0,10 puntos/mes.

– Por cada mes completo de servizos prestados por conta e baixo dependencia de institucións sanitarias do Sistema Sanitario Público do Sistema Nacional de Saúde, nalgún dos programas de incorporación estable para técnicos de apoio á investigación convocados polo Instituto Carlos III ou por outra entidade dependente da Administración Pública, sempre neste último caso que se desenvolveu dentro do ámbito da investigación biomédica (Programas I2SNS, I3SNS, EMER ou similares), que esixan o mesmo nivel de titulación ou superior ao requirido nesta convocatoria: 0,10 puntos/mes.

3. Investigación e Innovación sanitaria: ata un máximo de 6 puntos.

a) Autoría de traballos científicos e de investigación no ámbito das ciencias da saúde, apreciados libremente polo tribunal conforme aos seguintes criterios e táboas de valoración:

a.1) Revistas científicas.

– As publicacións deben pertencer a revistas científicas indexadas en InDICEs CSIC, IBECS, Pubmed, Web of Science (Wos), SCOPUS, Embase e PsycINFO e catálogo Latindex.

Non serán obxecto de valoración as publicacións realizadas en revistas non indexadas nas bases de datos referidas.



Tales publicacións valoraranse nos seguintes termos:

1º. Artigos científicos (orixinal, orixinal breve, revisión, revisión sistemática, meta-análise e guías de práctica clínica) publicados en revistas con factor de impacto do Journal Citation Report (JCR) ou Scimago Journal Range (SJR) na data de publicación da convocatoria, incluídas no primeiro ou segundo cuartil: 1 punto cando se correspondan coa liña de investigación vinculada a praza á que opta recollida no anexo I. Noutro suposto 0,30 puntos.

2º. Artigos científicos (orixinal, orixinal breve, revisión, revisión sistemática, meta-análise e guías de práctica clínica) publicados en revistas non incluídas no primeiro ou segundo cuartil de factor de impacto na data de publicación da convocatoria: 0,36 puntos cando se correspondan coa liña de investigación vinculada a praza á que opta recollida no anexo I. Noutro suposto 0,12 puntos.

3º. Editoriais, cartas, artigos de opinión, técnicas e procedementos, de carácter científico ou de investigación, publicados en revistas con factor de impacto do Journal Citation Report (JCR) ou Scimago Journal Range (SJR) na data de publicación da convocatoria: 0,24 puntos cando se correspondan coa liña de investigación vinculada a praza á que opta recollida no anexo I. Noutro suposto 0,08 puntos.

Non serán obxecto de valoración as notas clínicas, resumos de comunicacións e casos clínicos.

a.2) Libros ou capítulos de libros.

– Capítulo de libro: 0,24 puntos cando se correspondan coa liña de investigación vinculada a praza á que opta recollida no anexo I. Noutro suposto 0,08 puntos.

– Libro completo: 0,72 puntos cando se correspondan coa liña de investigación vinculada a praza á que opta recollida no anexo I. Noutro suposto 0,24 puntos.

Só terán a consideración de libro aquelas publicacións cun mínimo de 49 páxinas.

Para a súa valoración, a publicación debe estar avalada por unha institución pública, académica, sociedade científica ou realizada por editoriais científicas de recoñecido prestixio.



Non se poderán valorar máis de tres capítulos dun mesmo libro.

Non terán a consideración de libro, aínda que adopten esta forma de edición as actas de congreso.

Por non reunir a condición de traballo científico e de investigación non serán obxecto de valoración os libros/capítulos editados como glosario, anuario, manuais de preparación para o acceso á formación sanitaria especializada e ao emprego público, cursos de formación continuada, protocolos de servizo, libros de casos clínicos, sesións interhospitalarias e demais que así se aprecien polo respectivo órgano de selección.

Por ser obxecto de valoración tal mérito noutro apartado do baremo, non se lle asignará ningunha puntuación neste apartado ás publicacións de teses doutorais.

Non serán obxecto de valoración as autoedicións e/o autopublicacións, entendendo por tales aquelas publicacións financiadas ou promovidas por algún dos seus autores ou nas que este figure como editor.

No suposto de libros de autoría colectiva, só será obxecto de valoración aquela publicación que, da documentación presentada polo/a aspirante quede suficientemente acreditada a participación concreta na mesma. Enténdese por autoría colectiva aquela publicación na que interveñen un mínimo de catro autores.

Os capítulos de libro nos que participen catro ou máis autores non serán obxecto de valoración.

Normas comúns de valoración de libros e revistas:

– En ningún caso, un mesmo contido determinado e obxectivo publicado baixo diferentes formas e en diferentes publicacións poderá ser obxecto de máis dunha valoración.

– Non serán obxecto de valoración as publicacións de carácter divulgativo. Para os efectos deste baremo, non terán a consideración de autor da publicación, o coordinador, director e outros colaboradores.



b) Proxectos ou estudos de investigación.

b-1) Por cada participación, como investigador principal ou colaborador, en proxectos ou estudos de investigación ou innovación financiados por organismos públicos:

– Proxectos internacionais: 2 puntos cando se correspondan coa liña de investigación vinculada a praza á que opta recollida no anexo I. Noutro suposto 0,60 puntos.

– Proxectos nacionais: 1 punto cando se correspondan coa liña de investigación vinculada a praza á que opta recollida no anexo I. Noutro suposto 0,30 puntos.

– Proxectos autonómicos: 0,5 puntos cando se correspondan coa liña de investigación vinculada a praza á que opta recollida no anexo I. Noutro suposto 0,15 puntos.

b-2) Por cada participación, como investigador principal ou colaborador, en proxectos ou estudos de investigación ou innovación en convocatorias competitivas financiados por organismos privados nacionais ou internacionais: 0,5 puntos cando se correspondan coa liña de investigación vinculada a praza á que opta recollida no anexo I. Noutro suposto 0,15 puntos.

Os proxectos de investigación non competitivos non serán baremables.

b-3) Por cada participación en proxectos ou estudos dos Centros de Investigación Biomédica En Rede (CIBER) ou das Redes temáticas de investigación cooperativa en saúde: 0,5 puntos cando se correspondan coa liña de investigación vinculada a praza á que opta recollida no anexo I. Noutro suposto 0,15 puntos.

ANEXO III**Procedemento de acreditación de méritos**

a) Formación académica	<p>As titulacións académicas oficiais acreditaranse, segundo o suposto, mediante orixinal ou copia cotexada do título expedido polo Ministerio de Educación, Cultura e Deporte ou certificación da respectiva universidade, debidamente asinado, que deixe constancia de cada un dos méritos invocados polo/a aspirante e data en que foron causados. No relativo aos cursos de doutoramento, para que devandito mérito poida ser obxecto de valoración, a certificación que se achegue deberá deixar constancia expresa de que o/a aspirante realizou todos os cursos de doutoramento e indicar o programa e créditos obtidos. Noutro suposto non se entenderá debidamente acreditado tal mérito.</p> <p>No suposto de titulacións obtidas no estranxeiro achegarase xunto coa copia cotexada do título, tradución xurada de este ou equivalente e credencial de recoñecemento ou homologación da titulación expedida polo Ministerio de Educación español.</p> <p>O expediente académico e cualificacións obtidas requiren, para a súa valoración, a presentación da certificación de recoñecemento ou equivalencia oficial.</p> <p>A superación dos períodos de docencia e investigación conducentes á adquisición das competencias e habilidades relacionadas coa investigación científica acreditados como máster oficial e esixibles para poder obter o título de doutor/a conforme ao RD 56/2005 e posteriores non poderá ser valorada como máster oficial, ao tratarse dun requisito esixido para a obtención da devandita titulación.</p> <p>Supostos específicos:</p> <p>A acreditación da formación máster, especialista e experto universitario-títulos propios, efectuarase mediante orixinal ou copia cotexada do título ou certificación da universidade en que conste ser superada polo/a aspirante a formación conducente á obtención do referido título, datas de realización e o número de horas ou créditos ECT asignados á devandita actividade formativa.</p> <p>Poderá requirirse á persoa aspirante a presentación do programa formativo nos supostos en que non quede suficientemente acreditado a relación do seu contido co ámbito das ciencias da saúde.</p>
------------------------	--



b) Estadías formativas	<p>Acreditaranse mediante certificación do responsable da estadia (director do centro) ou do organismo público concedente da axuda (no caso de estadias financiadas no marco dun programa de Recursos Humanos), na que se faga constar o obxecto da estadia e as datas de inicio e fin.</p> <p>A obtención de financiamento conseguido en convocatoria competitiva Marie Curie ou de Axudas para a mobilidade do persoal investigador do Instituto Carlos III, acreditarase mediante copia da publicación oficial da resolución de convocatoria, sempre que consten os datos necesarios para identificar ao/á interesado/a, ou mediante certificado de participación expedido polo organismo financiador ou organismo xestor público competente ou pola Fundación de investigación sanitaria, que actúe como entidade xestora do Instituto de Investigación Sanitaria, no que consten os datos identificativos do/da interesado/a.</p> <p>Non serán tidas en conta as rotacións externas realizadas, no seu caso, durante o período de formación sanitaria dunha especialidade.</p>
c) Formación continuada	<p>a) Recibida: acreditarase tal mérito mediante copia cotexada do certificado de asistencia ao curso no que deberá constar o organismo ou entidade que convocou e impartiu dita actividade formativa, as datas de realización, contido do curso e número de créditos e/ou horas asignados. Poderá requirirse á persoa aspirante a presentación do programa formativo ou categoría/s destinataria/s.</p> <p>No suposto de cursos acreditados pola Comisión Nacional ou autonómica de Formación Continuada deberá constar o logotipo da respectiva comisión e ademais o número de expediente se se trata de actividades formativas posteriores a abril de 2007.</p> <p>Normas específicas para a formación en liña. Valoraranse aqueles diplomas de cursos en liña en que conste o número de créditos, número de expediente e logotipo da Comisión de Formación Continuada. Non será necesario que conste o número de expediente se se trata de cursos anteriores a abril de 2007.</p> <p>Serán válidos ademais aqueles diplomas asinados dixitalmente por Dixital Learning cun certificado dixital emitido pola Fábrica Nacional de Moeda e Timbre (FNMT) así como aqueles que se poidan referenciar a unha web verificable ou cotejable polo órgano de selección. Noutro suposto deberá achegarse certificación orixinal asinada polo órgano que impartiu a actividade formativa que conterà toda a información esixida neste punto.</p> <p>No suposto de formación en liña con desenvolvemento nun rango de datas, será válida a formación que conste superada dentro de ditas datas.</p> <p>Valoraranse os módulos ou partes integrante dun curso nos supostos nos que quede debidamente acreditada a carga lectiva e horas/créditos asignados de forma diferenciada.</p> <p>Non se valorarán neste epígrafe os cursos/módulos que sexan parte dunha titulación de formación académica.</p> <p>O órgano de selección resérvase o dereito de poder esixir ao aspirante calquera documentación complementaria e/ou rexeitar calquera certificado en liña cando existan dúbidas razoables sobre a súa autenticidade.</p> <p>b) Impartida: acreditarase mediante certificación do organismo ou entidade convocante na cal deberá constar o contido da actividade formativa, así como o número de horas de docencia impartidas.</p> <p>Noutro suposto non se entenderá debidamente acreditado tal mérito</p>
d) Formación especializada	<p>No suposto de titulacións obtidas en España, acreditarase tal mérito mediante orixinal ou copia cotexada do título expedido polo Ministerio de Educación, Cultura e Deporte ou certificación emitida pola respectiva Comisión de Docencia ou Rexistro Nacional de especialistas en formación do Ministerio de Sanidade, Servizos Sociais e Igualdade de completar o período de formación conducente á obtención do título da respectiva especialidade, que deberá indicar a data de superación.</p> <p>No suposto de titulacións obtidas noutros Estados da Unión Europea achegarase xunto coa copia cotexada do título, tradución xurada do mesmo ou equivalente e credencial de recoñecemento da titulación expedida polo Ministerio de Educación español.</p> <p>As titulacións obtidas no estranxeiro (non UE) deberán acreditarse coa presentación da copia cotexada do título, tradución xurada do mesmo ou equivalente e documento de homologación ou validación expedido polo Ministerio de Educación español.</p> <p>Noutro suposto non se entenderá debidamente acreditado tal mérito</p>
e) Docencia de formación sanitaria especializada	<p>Acreditarase mediante certificación asinada pola Comisión de Docencia do centro ou, no seu caso, Comisión de Docencia da unidade docente onde se impartiu a mesma, na que deberá constar expresamente os períodos de desenvolvemento de tal actividade e condición na que se impartiu a mesma.</p> <p>A participación como xefe/a de estudos acreditarase mediante certificación asinada polo/a director/a xerente da institución sanitaria correspondente.</p> <p>Noutro suposto non se entenderá debidamente acreditado tal mérito</p>
f) Docencia universitaria	<p>A docencia universitaria impartida, así como a Dirección de teses doutorais ou do Diploma de Estudos Avanzados (DEA), a Dirección de traballos fin de master, ou a Dirección de traballos fin de grao, acreditarase mediante certificación da respectiva Universidade na cal se fará constar expresamente o cargo docente, tipo de vinculación, departamento ou área de coñecemento na que se impartiu a docencia e datas de inicio e fin da vinculación.</p> <p>Noutro suposto non se entenderá debidamente acreditado tal mérito.</p>



g) Publicación de traballos científicos e de investigación	<p>Revistas científicas indexadas en Pubmed. Non será necesaria a súa acreditación documental. O/a aspirante consignará na aplicación informática, no espazo habilitado para o efecto, o código de identificación PMID e rexistrará manualmente a información relativa a número de firmas, número de orde de publicación. O sistema realizará a captura automática de información relativa aos outros campos da base de datos de Pubmed para a súa posterior validación.</p> <p>Revistas científicas indexadas no InDICEs CSIC, IBECS, Web of Science (Wos), SCOPUS, Embase, PsycINFO e catálogo Latindex. Acreditarase tal mérito mediante certificación ou copia impresa autenticada pola editorial responsable ou organismo público con competencias en xestión e arquivo de publicacións. Na certificación ou copia impresa deberá constar o nome da revista, o título do traballo, o seu autor, a data de publicación e, no seu caso, se están incluídas no primeiro ou segundo cuartil.</p> <p>Libros/capítulos de libro editados en papel. Deberá achegarse copia cotexada das follas en que conste o título do libro, o título do capítulo, o autor, editorial, o seu depósito legal e/ou ISBN/NIPO, lugar e ano de publicación e índice da obra. Ademais, deberá quedar acreditado o número de páxinas do libro/capítulo e que tal publicación está avalada por unha institución pública, académica, sociedade científica ou realizada por editoriais científicas de recoñecido prestixio.</p> <p>Libros editados en formato electrónico. Acreditarase tal mérito mediante certificación ou copia impresa autenticada pola editorial ou organismo público con competencias de xestión e arquivo de publicacións, na cal se fará constar a autoría do capítulo e demais datos bibliográficos básicos que identifiquen a obra e/ou capítulo (autores, data de publicación, edición, ano, URL e data de consulta e acceso). Tal publicación deberá estar avalada por unha institución pública, académica, sociedade científica ou realizada por editoriais científicas de recoñecido prestixio.</p> <p>Noutro suposto non se entenderá debidamente acreditado tal mérito</p>
h) Premios de investigación	<p>Acreditarase tal mérito mediante copia cotexada do diploma de concesión. Se no diploma non consta expresamente o seu ámbito, deberá complementarse tal documentación coa achega das bases de convocatoria do premio.</p> <p>Noutro suposto non se entenderá debidamente acreditado tal mérito.</p>
i) Proxectos ou estudos de investigación, axudas de convocatorias públicas para captación de talento investigador e participación en proxectos dos Centros de Investigación Biomédica En Rede (CIBER) ou das Redes temáticas de investigación cooperativa en saúde	<p>A participación como investigador principal nun proxecto ou estudo de investigación acreditarase mediante copia da publicación oficial da resolución de convocatoria, sempre que consten os datos necesarios para identificar o proxecto e o/a investigador/a, ou mediante certificado de participación expedido polo organismo financiador ou organismo xestor público competente ou pola Fundación de investigación sanitaria, que actúe como entidade xestora do Instituto de Investigación Sanitaria, no que consten os datos identificativos do/da interesado/a e do proxecto no que participa.</p> <p>A participación como investigador/a colaborador/a acreditarase mediante a presentación da copia de resolución de convocatoria se nela consta tal participación. O/a aspirante deberá constar como parte do equipo investigador definido no documento de solicitude do proxecto ou en documento posterior que así o acredite no caso de que houberse cambios no equipo investigador ao longo da súa vixencia.</p> <p>No caso de que o organismo convocante non expida certificados de participación poderá achegarse certificado asinado polo/a investigador/a principal ou organismo público competente ou pola Fundación de investigación sanitaria, que actúe como entidade xestora do Instituto de Investigación Sanitaria, que acredite a concesión do proxecto de investigación ao/á investigador/a principal, así como a identidade dos/as investigadores/as colaboradores.</p> <p>A participación en axudas de convocatorias públicas de captación de talento investigador acreditarase mediante copia da publicación oficial da resolución de convocatoria ou certificado de participación expedido polo organismo financiador ou organismo xestor público competente ou pola Fundación de investigación sanitaria, que actúe como entidade xestora do Instituto de Investigación Sanitaria, sempre que consten os datos necesarios para identificar a participación do/da investigador/a como xefe/a de grupo responsable da captación da axuda.</p> <p>A participación en proxectos dos Centros de Investigación Biomédica En Rede (CIBER) ou das Redes temáticas de investigación cooperativa en saúde acreditarase mediante certificado de participación expedido polo organismo financiador ou organismo xestor público competente ou pola Fundación de investigación sanitaria, que actúe como entidade xestora do Instituto de Investigación Sanitaria, sempre que consten os datos necesarios para identificar a participación do/da investigador/a.</p> <p>Noutros supostos, non se entenderán debidamente acreditados tales méritos.</p>
k) Participación en órganos de dirección/ asesoramento científico-técnico	<p>A participación en órganos de dirección/asesoramento científico- técnico acreditarase por certificación expedida polo organismo xestor público competente ou pola entidade xestora do Instituto de Investigación Sanitaria, no que consten os datos identificativos do/da interesado/a e do órgano no que participa.</p>
l) Patentes e modelos de utilidade	<p>As patentes e modelos de utilidade solicitados e aceptados acreditaranse coa inscrición no Rexistro de propiedade industrial (Oficina Española de Patentes e Marcas) ou por certificación da entidade titular da patente, sempre que consten os datos necesarios para identificar a participación do/da investigador/a. No caso das de titularidade do Servizo Galego de Saúde esta certificación emitirase pola Axencia de Xestión do Coñecemento en Saúde (ACIS).</p> <p>As patentes e modelos de utilidade que se atopen en explotación acreditaranse coa achega do acordo de explotación da patente ou por certificación da entidade titular da patente ou modelo de utilidade de que se atopa na devandita situación, sempre que consten os datos necesarios para identificar a participación do/da investigador/a. No caso das de titularidade do Servizo Galego de Saúde esta certificación emitirase pola Axencia de Xestión do Coñecemento en Saúde (ACIS).</p>
Compulsa de documentos	<p>As copias dos documentos acreditativos de méritos que se acheguen deberán estar cotexadas polo responsable do rexistro onde se presenten ou compulsadas por notario ou funcionario público acreditado para a realización de tales funcións.</p>



Tradución de documentos	Os títulos ou certificacións que estean redactados nun idioma distinto a calquera dos oficiais do Estado español deberán acompañarse da súa tradución ao castelán ou galego, que deberá efectuarse: a) Por tradutor xurado, debidamente autorizado ou rexistrado en España. b) Por calquera representación diplomática ou consular do Estado español no estranxeiro. c) Pola representación diplomática ou consular en España do país de que é cidadán/a o/a solicitante ou, no seu caso, do de orixe do documento. Respecto dos traballos científicos e de investigación redactados nun idioma distinto a calquera dos oficiais do Estado español, non será necesario presentar copia traducida.
-------------------------	---

ANEXO IV

Instrucións de acceso ao expediente electrónico (Fides)

A Oficina Virtual do Profesional (Fides) constitúe o punto de encontro telemático entre o Servizo Galego de Saúde e os/as profesionais cos que mantén unha vinculación, así como coas persoas aspirantes e profesionais doutros servizos de saúde que participen nos procesos de selección e provisión de prazas convocados por este organismo, configurándose como a plataforma de acceso ao expediente electrónico do/da profesional ou aspirante.

O acceso a Fides, poderase realizar desde:

- Internet (profesionais do Servizo Galego de Saúde e procedentes doutros servizos autonómicos de saúde)
- A Intranet do Servizo Galego de Saúde (só dispoñible para profesionais en activo do Servizo Galego de Saúde e entidades públicas adscritas á Consellería de Sanidade, e desde equipos informáticos situados fisicamente na rede corporativa).

1. Acceso desde internet.

1.1. Acceso desde internet con certificado dixital.

Os profesionais do Servizo Galego de Saúde así como os que procedan doutro servizo de saúde autonómico poderán acceder desta forma a Fides a través do enderezo <http://fides.sergas.es>.

É requisito indispensable dispoñer dun certificado dixital para acceder a través desta vía. Os certificados aceptados son os expedidos pola FNMT (Fábrica Nacional de Moeda e Timbre) e o DNI electrónico (DNle).

Para obter o certificado dixital expedido pola FNMT será preciso solicitálo a través de Internet (no enderezo www.cert.fnmt.es), ou ben en calquera oficina da Axencia Tributaria (Ministerio de Economía e Facenda).



Se o usuario xa dispón dunha tarxeta sanitaria do Servizo Galego de Saúde con chip electrónico, esta xa contén un certificado da FNMT, polo que non será necesario solicitar un novo. De feito, a solicitude dun novo certificado inhabilitará o que existe na tarxeta sanitaria.

Pola súa parte, o DNI electrónico (DNle) poderase solicitar nas oficinas da Dirección Xeral da Policía.

Para a identificación do usuario mediante tarxeta sanitaria do Servizo Galego de Saúde con chip electrónico ou a través do DNI electrónico, será preciso, con carácter xeral, dispoñer dunha lectora de tarxetas. Non se requirirá lectora de tarxetas unicamente no suposto de dispoñer dun certificado dixital da FNMT instalado no propio equipo.

Os/as usuarios/as poderán solicitar información e obter asesoramento sobre a acreditación electrónica nos PAE (Punto de Acreditación Electrónica) habilitados polo Servizo Galego de Saúde nos diversos centros sanitarios de atención especializada e atención primaria do organismo.

Os servizos que, a través desta forma de acceso, terán dispoñibles os/as profesionais actualmente vinculados ao Servizo Galego de Saúde, así como aqueles profesionais procedentes doutros servizos de saúde que nalgún momento do pasado tiveran algún tipo de vinculación co citado organismo, serán, tanto o acceso á xestión do expediente electrónico e á inscrición electrónica no proceso de concurso de traslados e demais procesos de selección e provisión de prazas que convoque este organismo, así como ao resto de funcionalidades existentes na Oficina Virtual do Profesional (Fides).

Os servizos que, a través desta forma de acceso, terán dispoñibles os profesionais que nunca tiveron un vínculo co Servizo Galego de Saúde serán, tanto o acceso á xestión do expediente electrónico como á inscrición electrónica no proceso de concurso de traslados e demais procesos de selección e provisión de prazas que convoque este organismo.

A primeira vez que un profesional acceda con certificado dixital a Fides, solicitaráselle que cumprimente un formulario de alta con datos básicos.

1.2. Acceso desde a internet sen certificado dixital.

O acceso a Fides desde a internet sen certificado dixital pode efectuarse a través do enderezo <http://fides.sergas.es>, mediante o sistema Chave 365, que permite aos/ás cida-



dáns/cidadás maiores de idade identificarse tanto en Fides como na sede electrónica da Xunta de Galicia sen necesidade de usar certificados dixitais nin DNI electrónico.

Pódese atopar toda a información relativa ao sistema Chave 365 neste enderezo: <https://sede.xunta.gal/chave365>

2. Acceso desde a intranet do Servizo Galego de Saúde.

Esta vía so estará dispoñible para profesionais en activo do Servizo Galego de Saúde e desde equipos informáticos situados físicamente na rede corporativa do citado organismo.

Os/as profesionais cun vínculo activo terán, mediante este sistema, acceso á totalidade de servizos e funcionalidades de Fides, incluído o acceso á xestión do expediente electrónico e á inscrición electrónica nos procesos de selección e provisión.

O acceso a Fides realizarase mediante o código de usuario e contrasinal que os/as profesionais en activo xa teñen asignado e utilizan habitualmente para acceder ao resto de funcionalidades do sistema.

3.-Manual de instrucións de acceso e funcionamento do expediente electrónico e validación da documentación.



Na sede electrónica do Servizo Galego de Saúde (www.sergas.es) figura a disposición dos aspirantes un manual de instrucións sobre o acceso e funcionamento do expediente electrónico, os diferentes estados nos que pode atopar a información relativa aos seus méritos e normas de validación da documentación a achegar.

4. Buzón de correo electrónico.

Para efectuar as consultas e resolver as dúbidas que xurdan en relación con este procedemento, habilítase o seguinte enderezo de correo electrónico: oposicions@sergas.es



ANEXO V
Modelo de autoliquidación de taxas

 XUNTA DE GALICIA CONSELLERÍA DE FACENDA  Axencia Tributaria de Galicia	TAXAS da COMUNIDADE AUTÓNOMA DE GALICIA Lei 6/2003, do 9 de decembro Decreto 61/2005, do 7 de abril AUTOLIQUIDACIÓN	Modelo AI EUROS
CÓDIGOS	Consellería de Código: <input style="width: 40px;" type="text"/>	<input style="width: 20px;" type="text"/>
	Delegación de Código: <input style="width: 40px;" type="text"/>	<input style="width: 20px;" type="text"/>
	Servizo de Código: <input style="width: 40px;" type="text"/>	<input style="width: 20px;" type="text"/>
	Taxa: denominación: Código: <input style="width: 40px;" type="text"/>	<input style="width: 20px;" type="text"/>
SUXEITO PASIVO	NIF APELIDOS E NOME OU RAZÓN SOCIAL VÍA PÚBLICA NÚMERO ESCAL. PISO PORTA TELÉFONO CONCELLO PROVINCIA CÓDIGO POSTAL	
LIQUIDACIÓN	BASE DE CÁLCULO OU BASE IMPOÑIBLE OU UNIDADES TIPO OU TARIFA	IMPORTE PARA INGRESAR TOTAL <input style="width: 60px;" type="text"/> €
..... de de 20..... Sinatura do declarante ou representante legal		
Selo	Data	Número
IMPORTANTE: o ingreso deberá realizarse en calquera das sucursais das entidades financeiras colaboradoras na recadación.		

CVE-DOG: tdvkwk39-tsl1-igv3-rtm6-pr0zbltmjr0

